

四庫全書

經部

欽定四庫全書

經部

儀禮經傳通解續卷十三

詳校官尚書臣德保

給事中臣溫常綬覆勘

總校官進士臣繆珪

校對官中書臣吳俊

謄錄舉人臣周克鵬

欽定四庫全書

儀禮經傳通解續卷十三

宋 黃幹 撰

喪變禮 喪禮十一

補

奔喪之禮始聞親喪以哭荅使者盡哀問故又哭盡哀

親父母也。以哭荅使者。猶恒之哀無辭也。問故問親喪所由也。雖非父母聞喪而哭其禮亦然也。遂行

日行百里不以夜行

雖有哀戚猶辟害也。晝夜之分唯別於昏明。哭則遂行者不為位。唯

父母之喪見星而行見星而舍

侵晨冒昏彌益促也言唯著異也疏曰日行

百里不以夜行唯父母之喪見星而行別云唯父母則知以前魚五服也

若未得行則成服

而后行

謂以君命有為者也成喪服得行則行疏曰此奉君命而使使事未了不可以已私廢於公

事故成服以俟君命則人代已也

過國至竟哭盡哀而止

感此念親疏曰案聘禮

云行至他國竟上而誓眾使次介假道是國竟行禮之處去時親在今返親止故哭盡哀戚感此念親也哭

辟市朝

為驚眾也

望其國竟哭

斬衰者也自是哭且遂行疏曰下云齊衰望鄉而哭大

功望門而哭則知斬衰望其國竟而哭雖云斬衰實母之齊衰亦然

至於家入門左升自

西階殯東西面坐哭盡哀括髮袒

括髮袒者去飾也未成服者素委貌深衣

已成服者固自喪服矣 疏曰曲禮云為人子者升降不由阼階今父母新死未忍異於生不忍當阼階故升自西也若尋常在家親始喪則笄纚至明日小斂畢乃括髮未成服者素委貌深衣者素曾子問篇云壻親迎女在塗遭喪女改服布深衣緇總女子之緇總似男子之素冠故知布深衣素冠 降堂東即位

西鄉哭成踊

已殯者位在下 疏曰士喪禮小斂訖降自西階即位故知殯畢位在下小斂之後

未殯之前雖降在堂下仍更升堂至既殯之後則長在阼階之下故云既殯位在下也 襲經于序

東絞帶反位拜賓成踊

襲服衣也不於又哭乃經者發喪已踰日節於是可也其未小

斂而至與在家同耳不散帶者不見尸柩凡拜賓者就其位既拜反位哭踊 疏曰云不於又哭乃經者案士喪禮小斂訖未尸俛于堂降成踊乃經于序東在家小斂當奔之禮又哭既小斂著經則合人哭乃經故云不

於又哭乃經者發喪已踰日節於是可也云未小斂而
至與在家同耳者謂威儀節度與在家同其帶經等自
用其奔喪日數也云不散帶者不見尸柩者以士喪禮
云既小斂帶經散麻三日乃絞垂今奔喪初至則絞帶
與在家異故云不散麻者不見尸柩也知此絞帶非象
革帶之絞帶而必以為經之散垂而絞之者要帶為重
象革帶之絞帶為輕此絞當

舉重者故以為絞經之垂者

送賓反位有賓後至者則

拜之成踊送賓皆如初衆主人兄弟皆出門出門哭止

闔門相者告就次

次倚廬也

於又哭括髮袒成踊於三哭猶

括髮袒成踊

又哭至明日朝也三哭又其明日朝也皆升堂括髮袒如始至必又哭三哭者象小

斂大斂時也雜記曰士三踊其夕哭從朝夕哭不括髮不袒不踊不以為數疏曰此謂奔父之喪又哭則免

此下文又哭括髮袒故知為父也

三日成服拜賓送賓皆如初

三日三哭之明

日也既哭成其喪服杖於序東奔喪

奔喪者非主人則主人為之拜

賓送賓奔喪者自齊衰以下入門左中庭北面哭盡哀

免麻于序東即位袒與主人哭成踊

不升堂哭者非父母之喪統於主人

也麻亦經帶也於此言麻者明所奔喪雖有輕者不至喪所無改服也凡袒者於位襲於序東袒襲不相因位此麻乃袒變於為父母也疏曰前云奔喪升自西階此云中庭北面故云非父母之喪統屬於主人以主人待奔之人但在東階之下不升堂故奔喪者在中庭北面繼統於主人也主人唯饋奠有事之時乃升堂若尋常無事恒於又哭三哭皆免袒有賓則主人拜賓送賓在堂下也

又哭三哭亦入門左中庭北面如始至時也

丈夫婦人之待之也皆如朝夕

哭位無變也

待奔喪者無變嫌賓客之也於賓客以哀變為敬此骨肉哀則自哀矣於此乃言待

之明奔喪者至三哭猶不以序入也疏曰若平常五屬入哭則與主人為次重者前輕者後今奔喪者急哀

但獨入哭不俟主人為次序非唯初至如此至主人又哭三哭皆然故於三哭之下明其待之無變明悉如初至三哭猶不以常禮次序以入若婦人奔喪則待異於男子與賓客同故與主人拾踊同上

奔母

之喪西面哭盡哀括髮袒降堂東即位西鄉哭成踊襲

免經于序東拜賓送賓皆如奔父之禮於又哭不括髮

為母於又哭而免輕於父也其他則同疏曰此謂適子故經云拜賓送賓皆如奔父之禮若庶子則主人為

之拜賓送賓同上

奔父之喪括髮於堂上袒降踊襲經于東

方奔母之喪不括髮袒於堂上降踊襲免于東方經即

位成踊出門哭止三日而五哭三袒

凡奔喪謂道遠已殯乃來也為母不

括髮以至成服一而已貶於父也即位以下於父母同也三日五哭者始至訖夕反位哭乃出就次一哭也與

明日又明日之朝夕而五哭三袒者始至袒與明日又明日之朝而三也疏曰奔父之喪括髮於殯宮堂上

不奔纓者奔喪異於初死也袒謂堂上去衣降堂阼階東而踊為踊故袒也襲謂掩所袒之衣帶經東方謂既

踊畢升堂襲帶經於東序東奔母之喪不括髮者初時括髮至又哭以後至於成服不括髮袒於堂上降踊者

與父同襲免于東方者東方亦東序東父則括髮而加經母則不括髮而加免此是異於父也經即位成踊者

著免加經已後即位於阼階之東而更踊故云成踊其
即位成踊父母同於此之時賓來弔者則拜之奔喪禮
所謂反位拜賓成踊是也出門哭止者出殯宮之門就
於廬故哭者止初來一哭與明日又明日朝夕之哭為
五哭也三袒者初至袒明日朝袒又明日朝袒故為三
袒雖其初死在家之時哭踊無節今聞喪已久奔喪禮
殺故三日五哭異於在家也又云此謂已殯而來者
若未殯之前而來當與在家同不得減殺也 小記

老聃曰見星而行者唯罪人與奔父母之喪者乎

問 曾子

凡奔喪有大夫至袒拜之成踊而后襲於士襲而后

拜之

主人袒降哭而大夫至因拜之不敢成已禮乃禮
尊者或曰大夫後至者袒拜之為之成踊 疏曰

此主人謂奔喪者身是士初來奔喪主人括髮於堂上
乃降堂而哭於此時大夫至因拜之於東階下不敢成

已踊及襲經帶之事待拜後始成踊襲經帶也若士來
弔則降堂先成已禮踊襲經帶之後乃拜之士謂兩士
相敵然則與兩大夫相敵則亦襲後乃拜之云或曰大
夫後至者袒拜之為之成踊者以此經但云袒拜之成
踊其餘經本又云大夫後至袒拜之為之成
踊與此經文字多少不同故云或曰奔喪婦人非

三年之喪不踰封而弔如三年之喪則君夫人歸

奔父母喪

也夫人其歸也以諸侯之弔禮其待之也若待諸侯然

謂夫人行道車服主國致禮

夫人至入自闈門升自側階君在阼其

他如奔喪禮然

女子子不自同於女賓也宮中之門曰闈門為相通者也側階亦旁階也他謂

哭踊墜麻闈門或為帷門疏曰女子出適為父母期而云三年者以本親言也夫人至入自旁側闈門不由

正門升自旁側之階不升正階異於女賓也主國之君待之在阼階之上不降階而迎也其他謂哭踊鬢麻之屬如似奔喪之禮然嫌諸侯夫人位尊與卿大夫之妻禮異故明之也

雜記

婦人奔喪升

自東階墮東西面坐哭盡哀東鬢即位與主人拾踊

鬢側

瓜反拾其刼反婦人謂姑姊妹女子子也東階東面階也婦人入者由闔門東鬢鬢於東序不鬢於房變於在室者也去纚大紵曰鬢拾更也主人與之更踊賓客之去起呂反疏曰婦人入者由闔門雜記篇文以

諸侯夫人奔喪入自闔門明卿大夫以下婦人皆從闔門入也闔門謂東還之門云鬢於東序者以男子之免在東序故知婦人亦鬢於東序就掩映之處在堂上也男子則堂下也經云升自東階者謂東面之階雜記云升自側階云不鬢於房變於在室者熊氏云亦未殯之前婦人鬢於室故士喪禮云婦人鬢於室若既殯之後

室中是神之所處婦人在堂當髻於東房今此婦人始來奔喪故髻於東序耳此據天子諸侯之禮案大記云婦人髻帶麻于房中注云天子諸侯之禮房中則西房也奔喪者不及殯先

之墓北面坐哭盡哀主人之待之也即位於墓左婦人

墓右成踊盡哀括髮東即主人位經絞帶哭成踊拜賓

反位成踊相者告事畢

主人之待之謂在家者也哭於墓為父母則袒告事畢者於此

後無事也遂冠歸入門左北面哭盡哀括髮袒成踊東即位

拜賓成踊賓出主人拜送有賓後至則拜之成踊送賓如初衆主人兄弟皆出門出門哭止相者告就次於又

哭括髮成踊於三哭猶括髮成踊三日成服於五哭相

者告事畢

又哭三哭不袒者哀戚已久殺之也逸奔喪禮說不及殯日於又哭猶括髮即位不袒告

事畢者五哭而不復哭也成服之朝為四哭此謂既期乃後歸至者也其未期猶朝夕哭不止於五哭疏曰

此論既葬之後奔父母之喪禮主人之待之也即位於墓左婦人墓右者主人謂先在家者非謂適子也此奔

喪者身是適子故經云拜賓反位成踊若非適子則不得拜賓也三日成服謂來奔喪日後三日通奔日則為

四日於此日成服則四哭矣相者告事畢謂成服之日為四哭成服明日之朝為五哭此謂既葬已後而來歸

故唯五哭

同上

為母所以異於父者壹括髮其餘免以終

事他如奔父之禮

壹括髮者謂歸入門哭時也於此乃言為母異於父者明及殯不及殯其

異者同 疏曰鄭恐一括髮是墓所括髮入門則不括髮故明之云壹括髮謂入門哭時者謂以筵几在堂不應入門遂不括髮故云謂入門時也云於此乃言為母異於父者明及殯不及殯其異者同釋為母異於父應從上文及殯奔母之喪言之今乃於不及殯後始言為母異於父之意若及殯則言異於父恐不包不及殯若不及殯處而言之則及殯之處灼然可知是舉後總明前也故云明及殯不及殯其異者同謂及殯壹括髮不及殯亦壹括髮是異於父者其事同也 同上 凡異居始聞兄弟之喪唯以哭對可也

惻怛之情不以辭言為對也

其始麻散帶經

與居家同也凡喪小斂而

麻未服麻而奔喪及主人之未成經也疏者與主人皆

成之親者終其麻帶經之日數

疏者謂小功以下親者大功以上疏者及主人

之節則用之其不及者亦自用其日數疏曰凡異居者言凡非一之辭異居別所而始聞兄弟之喪惻隱情重不暇問其餘事惟哭對使者於禮可也其始麻散帶經者此謂大功以上兄弟其初聞喪始服麻之時散垂要之帶經若小功以下服麻則糾垂不散也未服麻而奔喪者謂道路既近聞喪即來至在主人小斂之前故云及主人之未成經也疏謂小功以下值主人成服之節則與主人皆成就之親諸大功以上初來奔至雖值主人成服未即成之必終竟其麻帶經滿依禮日數而後成服也又曰奔喪之後至三日而成服也雜記

聞兄弟之喪大功以上見喪者之鄉而哭適兄弟之送

葬者弗及過主人於道則遂之於墓

言骨肉之親不待主人也疏曰見

喪者之鄉而哭者謂此親兄弟同氣及同堂兄弟也奔喪禮云齊衰望鄉而哭大功望門而哭此云大功以上

者盧云謂降服大功者也鄭無別解當同盧也適兄弟之送葬者此兄弟通總小功也適往也謂往送五服之親葬而不及過孝子葬竟已還而此往送葬之人不得隨孝子而歸仍自獨往於墓也

齊衰

以下不及殯先之墓西面哭盡哀

不北面者亦統於主人

免麻于

東方即位與主人哭成踊襲有賓則主人拜賓送賓賓

有後至者拜之如初相者告事畢

不言袒言襲者容齊衰親者或袒可

遂

冠歸入門左北面哭盡哀免袒成踊東即位拜賓成踊

賓出主人拜送於又哭免袒成踊於三哭猶免袒成踊

三日成服於五哭相者告事畢

為父於又哭括髮而不袒此又哭三哭皆言袒

袒衍字也疏曰此明既葬之後奔齊衰以下喪禮但齊衰以下有大功小功總麻日月多少不同若奔在葬後而三月之外大功以上則有免麻東方三口成服若小功總麻之喪則不得有三口成服小功以下不稅無追服之理若葬後通葬前未滿五月小功則亦三日成服其總麻之喪止臨喪節而來亦得三日成服也東即位拜賓成踊者東即位謂奔喪者於東方就哭位拜賓謂主人代之拜賓成踊謂奔喪者於主人拜賓之時而成踊凡言成踊每一節有三踊凡三節九踊乃謂之成也云不言袒言襲者容齊衰親者或袒可者案經史直言免麻于東方即位不稱袒而下云成踊襲下既稱襲則有袒理經若言袒恐齊衰以下皆袒故不得總言袒也經稱襲者容有齊衰重為之得襲故言襲知為父於又哭括髮而不袒者案上文為父不及殯歸入門左北面哭盡哀括髮袒下文云相者告就次於又哭括髮成踊不言袒是為父於又哭括髮而不袒也云又哭三哭

皆言袒袒衍字也者今齊衰以下之喪經文於又哭三哭乃更言袒輕喪而袒非其宜故知經之袒衍餘之字也
奔喪 奔兄弟之喪先之墓而後之家為位而哭所知

之喪則哭於宮而后之墓

兄弟先之墓骨肉之親不由主人也宮故殯宮也疏曰

兄弟骨肉自然相親不由主人故先往之墓所知之喪由主人乃致哀戚故先哭於宮而後至墓小記

有殯聞遠兄弟之喪雖總必往

親骨肉也檀弓

大夫士將

與祭於公既視濯而父母死則猶是與祭也次於異宮

既祭釋服出公門外哭而歸其他如奔喪之禮如未視

濯則使人告告者反而后哭

猶亦當為由次於異宮不可以吉與凶同處也使者

反而後哭不敢專已於君命也如諸父昆弟姑姊妹之喪則既宿則與

祭卒事出公門釋服而后歸其他如奔喪之禮如同宮

則次於異宮

宿則與祭出門乃解祭服皆為差緩也疏曰祭日前既視濯之後而遭父母之喪

則猶是吉禮而與於祭也次於異宮者其時上次異宮不可以吉與凶同處也如未視濯之前遭父母之喪則使人告於君必待告君者反而後哭父母也既宿則與祭者宿謂祭前三日將致齋之時既受宿戒雖有期喪則與公家之祭如同宮則次於異宮者若諸父昆弟姑姊妹等先是同宮而死則既宿之後出次異宮不可以吉凶雜處故也前遭父母之喪既視濯而與祭此遭期喪宿則與祭又前遭父母之喪既祭釋祭服乃出公門此皆期喪出門乃解祭服以其期喪差緩於父母故云皆為差緩

雜記

若除喪而後歸

則之墓哭成踊東括髮袒經拜賓成踊送賓反位又哭

盡哀遂除於家不哭

東東即主人位如不及殯者也遂除除於墓而歸

主人之

待之也無變於服與之哭不踊

無變於服自若時服也亦即位於墓左婦人墓

右疏曰此一節明除服之後奔父母喪節則之墓哭成踊者亦謂主人適子初在墓南北面哭成踊乃來就主人之位括髮袒也主人之待之也無變於服者主人亦謂在家者無變於服謂著平常之吉服不踊者以在家者其服已除哀情已殺故不踊也云東東即主人位者以東方是主人之位經云東故云即主人之位云如不及殯者也以上文奔父母之喪不及殯先之墓北面哭下云東即主人之位除喪之後奔其位亦如不及殯之時云遂除於墓而歸者以經云遂除於家不哭鄭恐來至家始除服故明之云遂除謂墓所遂除服至於家

不復哭也 自齊衰以下所以異者免麻

疏曰此明齊衰以下除服之後奔喪之

節唯著免麻不括髮墓所哭罷即除此免麻者當謂至總麻也

凡為位非親喪

齊衰以下皆即位哭盡哀而東免經即位袒成踊

謂無君事

又無故可得奔喪而以已私未奔者也唯父母之喪則不為位其哭之不離聞喪之處齊衰以下更為位而哭

皆可行 乃行 襲拜賓反位哭成踊送賓反位相者告就次三日五哭卒主人出送賓衆主人兄弟皆出門哭止相者

告事畢成服拜賓

三日五哭者始聞喪訖夕為位乃出就次一哭也與明日又明日之朝夕

而五哭不五朝哭而數朝夕備五哭而止者亦為急奔喪已私事當畢亦明日乃成服凡云五哭者其後有賓

亦與之哭而拜之疏曰前云三日成服於五哭皆數
朝哭五日而五哭此三日數夕哭為五哭者前文三日
五哭成服之後乃云五哭故數成服後日之哭乃為五
此三日五哭是三日之內數夕哭為五哭凡云五哭者
其後有賓亦與之哭而拜之總若所為位家遠則成服
結從上以來四處五哭之文也

而往

謂所當奔者外喪也外喪緩而道遠成服乃行客
待齋疏曰以外喪恩輕故哀情緩道路又遠容

待齋持贈贈之物故
成服乃去同上

齊衰望鄉而哭大功望門而哭

小功至門而哭總麻即位而哭

奔喪哭親疏遠近之差
也疏曰雜記云大功

望鄉而哭此云望門而哭者雜記所云
者謂本齊衰喪者降服大功同上

右奔喪

聞喪不得奔喪哭盡哀問故又哭盡哀乃為位括髮袒

成踊襲經絞帶即位

聞父母喪而不得奔謂以君命有事不為位位有鄭列之

處如於家朝夕哭位矣不於又哭乃經者喪至此踰日節於是可也

拜賓反位成踊賓出

主人拜送于門外反位若有賓後至者拜之成踊送賓

如初於又哭括髮袒成踊於三哭猶括髮袒成踊三日

成服於五哭拜賓送賓如初

不言就次者當從其事不可以喪服廢公職也其在

官亦告就次言五哭者以迫公事五日哀殺亦可以止

疏曰此一節明聞喪不得奔於所聞之處發喪成服

之禮聞喪不得奔者謂以君命有事其事未了故不得奔喪也乃為位者謂以君命使故得為位如朝夕哭位

矣襲經絞帶即位者於此聞喪之日哭踊畢襲所袒之衣著首經絞帶之垂即東方之位三日成服於五哭拜賓送賓如初者三日成服通數聞喪為四日五哭謂成服之明日哭也於此哭時有賓來即拜而迎之去即送之皆如初於五哭訖亦可以止者也不云相者告事畢禮大略也又注云不於又哭乃經者喪至此踰日節於是可也者不於又哭謂不於明日之又哭此經云又哭謂當日之中對初聞喪之哭乃為又哭於此哭後乃經絞帶與明日又哭別也初聞喪象始死明日又哭象小斂時也士喪禮云小斂乃經則此亦當又哭乃經今於聞喪之日即經帶者以喪至此赴者至踰其日節故於是聞喪之日可加經帶也又曰在官謂在官府館舍館舍是賓之所專有由館舍之中而作廬故知禮畢亦告就次云言五哭者以追公事五日哀殺亦可以止者明五哭之後不復朝夕有哭

奔喪

父母之喪若未得行則成

服而後行

詳見奔喪條

哭天子九諸侯七卿大夫五士三

臣此

聞君喪而木奔為位而哭尊卑日數之差也士亦有屬吏賤不得君臣之名奔喪

大夫哭諸

侯不敢拜賓

此謂在他國聞喪者哭其舊君不敢拜賓辟為主

諸臣在他國為

位而哭不敢拜賓

謂大夫士使於列國

與諸侯為兄弟亦為位而

哭

族親昏姻在異國者疏曰已上三條皆在他國聞喪者知大夫哭諸侯為哭舊君者以下文諸臣在他

國為位而哭見事之君則知此是哭舊君也與諸侯異姓之昏姻又在他國不與諸侯為臣身又無服故暫為

位而哭若與諸侯同姓是五服之內皆服斬也同上

有殯聞遠兄弟之喪哭

于側室

嫌哭殯

無側室哭于門內之右

近南者為之變位疏曰尋常為主

當在阼階東西面今稱門內之右故知近南為之變位也必變之者以哭於大門內之右既非常哭之處故繼門而近於南也鄭云近南則猶西面但近南耳

檀弓

有殯聞外喪哭之他室

明所哭者異也哭之為位

入奠卒奠出改服即位如始即位之禮

後謂

日之哭朝入奠於其殯既乃更即位就他室如始哭之時疏曰有殯謂父母喪未葬喪柩在殯宮者也外喪謂兄弟喪在遠者也他室別室也若聞外喪哭於殯宮然則嫌是哭殯則於別室哭之明所哭者為新喪也入奠者明日之朝著已重喪之服入奠殯宮及下室卒奠出者謂卒終已奠而出改已重喪服著新死未成服之服即位即昨日他室之位如昨日始聞喪即位之時

雜記

聞遠兄弟之喪既除

喪而后聞喪免袒成踊拜賓則尚左手

詳見變除稅服條

哭

父之黨於廟母妻之黨於寢師於廟門外朋友於寢門

外所識於野張帷

奔喪

哭朋友者於門外之右南面

於變

有親者也門外寢門外疏曰門外寢門外也右西邊也南而嚮南也嚮南為主以對答弔客又曰案檀弓云有殯聞遠兄弟之喪哭于側室無側室哭于門內之右今哭門外是變於有親也云門外寢門外者檀弓云朋友吾哭諸寢門之外是也
小記
所識者弔先哭于家而後之墓皆

為之成踊從主人北面而踊

從主人而踊拾踊也北面自外來便也主人墓左西

面疏曰所識謂與死者相識今弔其家後乃往墓統於主人故也皆為之成踊者雖相識輕亦為之成踊也皆賓主拾之從主人北面而踊者主人在墓左而西嚮賓從外來而北面踊便也主人先踊賓從之故云從主

人北面而踊也 奔喪

凡為位者壹袒

謂於禮正可為位而哭也始聞喪哭而袒其明

日則否父母之哭自若三袒也 疏曰此謂斬衰以下之喪初聞喪應為位者一袒而已又哭三哭則不袒為

父母之喪則又哭三哭皆袒 同上

凡為位不奠

以其精神不存乎是 同上

大

夫聞君之喪攝主而往

臣聞君之喪義不可以不即行故使兄弟若宗人攝行主事而

往不廢祭大夫聞大夫之喪尸事畢而往

賓尸事畢而往也昭公十有五年

春秋公羊傳

君在祭樂之中大夫有變以聞可乎大夫國

體也古之人重死君命無所不通

詳見通禮哀戚條

右聞喪 晉獻公之喪秦穆公使人弔公子重耳

獻公殺其世子申生重耳辟難出奔是時在翟就弔之

且曰寡人聞之亡國

恒於斯得國恒於斯

言在喪代之祭

雖吾子儼然在憂服

之中喪亦不可久也時亦不可失也孺子其圖之

勸其反國意欲納之喪謂亡失位孺穉也

以告舅犯

舅犯重耳之舅孤偃也字子犯

舅

犯曰孺子其辭焉喪人無寶仁親以為寶

寶謂善道可守

者仁親親行仁義

父死之謂何又因以為利

欲反國求為後是利父死

而天下其孰能說之孺子其辭焉

說猶解也

公子重耳

對客曰君惠弔亡臣重耳身喪父死不得與於哭

泣之哀以為君憂

謝

父死之謂何或敢有他志以

辱君義稽顙而不拜哭而起起而不私

他志謂利心

子

顯以致命於穆公

使者公子繫也盧氏云古者名字相配顯當作韜

穆公

曰仁夫公子重耳夫稽顙而不拜則未為後也故

不成拜哭而起則愛父也起而不私則遠利也

疏曰

使者弔重耳重耳受弔禮已畢使者出門則應遂還賓館使者方須致穆公之命以勸重耳故言且

曰言且者非特弔耳且者兼有餘事使者且更言曰稱穆公之命言寡人聞前古以來失亡其國恒

於此喪禍交代之時得其國家亦恒在於此交代之時言此喪禍交代之時是得國失國之機求之

則得不求則失雖吾子儼然端靜在憂戚喪服之中無求國之意然身喪在外亦不可久為言辛苦也得國之時亦不可失言當求也故云孺子其圖之父死之謂何言父身死亡謂是何事正是凶禍之事既是凶禍豈得又因此凶禍以有為已利欲求反國必其如此而天下聞之其誰解說我以爲無罪公子重耳用舅犯之言出而對客既敘其弔意又謝其欲納之言又道不可之意言以父死謂是何事豈復敢悲哀之外別有他志以屈辱君之義事乎言已無他志不敢受君勸以反國之義言義者宜也穆公之意以重耳反國為宜故云義也稽顙而不拜則未為後也者此穆公本意勸重耳反國重耳若其為後則當拜謝其恩今不受其勸故不拜謝穆公以其不拜故云未為後也所以稽顙者自為父喪哀號也凡喪禮先稽顙而後拜乃成今直稽顙而不拜故云不成拜也今既聞父死

勸其反國之義哀慟而起若欲攀轅然故云哭而起則愛父也既哭而起不私與使者言必無心反國是遠利也鄭注知在翟弔之及使者公子繁者非國語文云繫弔重耳而退弔公子夷吾於梁如弔重耳之命夷吾見使者再拜稽首起而不哭退而私於公子繁曰里克與我矣吾命之以汾陽之田百萬丕鄭與我矣吾命之以負蔡之田七十萬亡人苟入掃除宗廟定社稷且入河外列城五言亡人之所懷案國語之說夷吾則穆公美重耳之言皆是形夷吾而起檀弓

吳子壽

夢卒臨於周廟禮也

夢莫公反臨力蔭反文王廟也周公出文王魯立其廟

凡諸侯之喪異姓臨於外

於城外同姓於宗廟

所出

王之

同宗於祖廟

始封君之廟

同族於禰廟

父廟也同族謂高祖

以下是以故魯為諸姬臨於周廟諸姬同姓國為邢凡蔣茅

昨祭臨於周公之廟

即祖廟也六國皆周公之支子別封為國共祖周公襄

公十二年春秋左氏傳

曾子與客立於門側其徒趨而出

徒謂客之旅

曾子曰爾將何之曰吾父死將出哭於巷

以為不可發凶於人館

曰反哭於爾次

次舍也禮館人使專之若其自自然曾

子北面而弔焉

檀弓

子思之母死於衛

嫁母也姓庶氏赴

於子思子思哭於廟門人至曰庶氏之母死何為

哭於孔氏之廟乎

門人弟子也嫁母與廟絕

子思曰吾過矣吾

過矣遂哭於他室

同上

伯高死於衛赴於孔子孔

子曰吾惡乎哭諸兄弟吾哭諸廟父之友吾哭諸

廟門之外師吾哭諸寢朋友吾哭諸寢門之外所

知吾哭諸野於野則已疏於寢則已重夫由賜也

見我吾哭諸賜氏遂命子貢為之主曰為爾哭也

來者拜之知伯高而來者勿拜也

異於正主疏曰凡喪之正主

知生知死來者悉拜今與伯高相知而來不拜故云異於正主同上

孔子哭子

路於中庭

寢中庭也與哭師同親之

有人弔者而夫子拜之

為之

主也既哭進使者而問故

使者自衛來赴者故問死之意味

使者曰

醢之矣遂命覆醢

同上

陳莊子死赴於魯魯人欲

勿哭

君無哭鄰國大夫之禮陳莊子齊大夫陳恒之孫名伯

繆公召縣子而

問焉縣子曰古之大夫束脩之問不出竟雖欲哭

之安得而哭之今之大夫交政於中國雖欲勿哭

焉得而勿哭且臣聞之哭有二道有愛而哭之有

畏而哭之公曰然然則如之何而可縣子曰請哭

諸異姓之廟

明不當哭

於是哭諸縣氏

同上

曾子問曰並有喪如之何何先何後

並謂父母若親同者同月死孔

子曰葬先輕而後重其奠也先重而後輕禮也自啟及

葬不奠

不奠務於當葬者疏曰若營奠父事恐葬事遲晚務欲輕喪先葬使其速畢

行葬不

哀次

不哀次輕於在殯者疏曰以父喪在殯為重今為在殯者所壓不敢為母伸哀故云不哀次輕於

在殯者反葬奠而后辭於殯遂修葬事

殯當為賓聲之誤也辭於賓謂告賓

葬啟期也

疏曰知殯當為賓為告賓者案既夕禮云主人請啟期告于賓之後即陳葬事設盥陳鼎饌夷牀

之屬下乃云祝聲三是告殯之事今先云辭於殯乃云遂修葬事故云殯當為賓謂詔告賓也與既夕禮同

其虞也先重而後輕禮也

疏曰案崇精問曰葬母亦朝廟否其虞父與母同日異日

乎焦氏答曰內豎職云王后之喪朝廟則為之

父母

之喪偕先葬者不虞祔待後事其葬服斬衰

詳見變除並有喪變

服除

有父之喪如未沒喪而母死其除父之喪也服其

除服卒事反喪服

詳見變除

如三年之喪則既顙其練祥

皆行

詳見變除並有喪除

曾子問曰君未殯而臣有父母之喪

則如之何孔子曰歸殯反于君所有殷事則歸朝夕否

其哀離主於君

疏曰歸殯父母訖反于君所以殯君

恒在君所家有殷事之時則暫歸於家若尋常朝夕則不得歸也故云朝夕否盧氏云歸殯反于君所者人君五日而殯故可以歸殯父母而往殯君也若其臨君之

殯則歸哭父母而來殯君則殯君訖乃還殯父母也以
此言之臣有父母之喪未殯而有君喪去君殯日雖遠
祇得待殯君訖而還殯父母以其君尊故也又曰以君
未殯則君哀重而父母又喪是親哀亦重君與親哀既
半相雜君為尊故主意
於君故尋常恒在君所
大夫室老行事士則子孫行事
疏曰以大夫士有殷事在君所之時則在家之朝夕之
奠有關若朝夕恒在君所之時則在家朝夕之奠亦關
奠不可廢其大夫尊故遣室老攝
行其事士卑則子孫攝行其事

大夫內子有殷事亦

之君所朝夕否

疏曰上文明大夫之禮節此明婦人之
進止君既殯而婦有舅姑之喪大夫者

卿之總號內子者卿之適妻此明君既殯後而婦有舅
姑之喪歸居于家君有殷事之時亦之君所云亦者亦
同其夫也非但夫往君所妻亦往君所也若尋常朝夕
則不往君所舉此一條婦同於夫則君既啟及君未殯

而有舅姑之喪其禮
悉同夫也 曾子問

曾子問曰君薨既殯而臣有父

母之喪則如之何孔子曰歸居于家有殷事則之君所

朝夕否

居家者因其哀後隆於父母殷事朔月月半薦
新之奠也 疏曰君殯既訖君所無事父母新

喪故歸於家以治父母之喪若君喪有朔月月半薦新
大事則臣之適君所以哭君若凡常朝夕則不往哭君
唯在家為父母治喪故云朝夕否若臣有父母之喪既
殯而後有君喪則歸君所若父母之喪有殷事之時則
來歸家平常朝夕則不
來恒在君處 同上 曾子問曰君既啟而臣有父

母之喪則如之何孔子曰歸哭而反送君

言送君則既
葬而歸也歸

哭者服君服而歸不敢私服也 疏曰歸哭父母而反
往送君既葬畢還來歸家而治父母之喪以此言之父

母之喪既啟而有君之喪則亦往哭於君所而反送父
母父母葬畢而居君所又曰知既葬而歸者以言送君
則葬罷而歸不待君之虞祭也其君喪祔與卒哭未知
臣往君所與否云歸哭者服君服而歸不敢私服也者
謂歸哭父母猶服君服不私服也上文云有
君喪于身不敢私服故知不私服也 同上 曾子問

曰君之喪既引聞父母之喪如之何孔子曰遂既封而

歸不俟子

遂遂送君也封當為
寔子嗣君也 同上

曾子問曰父母之喪

既引及塗聞君薨如之何孔子曰遂既封改服而往

封亦

當為寔改服括髮徒跣布深衣板
上衽不以私喪包至尊 同上

曾子問曰大夫士

有私喪可以除之矣而有君服焉其餘之也如之何孔

子曰有君喪服於身不敢私服又何除焉

重喻輕也私喪家之喪也

喪服四制曰門外之治義斷恩

於是乎有過時而弗除也君之喪服除

而后殷祭禮也

謂主人也支子則否義斷恩若身有君服

後遭親喪則不敢

為親制服也又何除焉者謂成喪服為重始除服為輕末在親始重之日尚不獲伸況輕末之時而可行乎故云又何除焉君之喪服除而后殷祭禮也殷祭謂小大二祥祭也以其禮大故曰殷也言初乃為身有君服不敢為親私除若君服除後乃可為親行私喪二祥之祭以伸孝心也庾蔚云今月除君服明月可小祥又明月可大祥猶若久喪不葬者也若未有君服之前私服已小祥者除君服後但大祥而可也注云謂主人也支子則否者主人謂適子仕宦者適子主祭祀故二祥待除君服而後行也若支子仕宦雖不得除私服而其家適

子已行祥祭庶子於後曾子問曰父母之喪弗除可乎

無所復追祭故云否也
疏曰曾子又疑云聖人制變受之期情禮之殺使送死有已復生有節是不許人子有不除之喪若適子除君服後乃有殷祭之事如喪久不葬者此則可解若庶子除君服後無復殷祭之事是其為父母之服一生不有除說之事此

孔子曰先王制禮過時弗舉禮也非弗能

勿除也患其過於制也故君子過時不祭禮也

疏曰言今日不

追除服者非是不能除改也為此不除正是患其過於聖人之禮制也又引君子過時不祭之事以證之謂春雨露既濡君子履之怵惕思親故設祭若春時或有事故不得行祭至夏乃行夏祭不復追補春祭是過時不祭以為禮也故當時則祭過時不補前祭祥非為感時正是孝子為存親存親則前後無異故除君服以仲孝

心也同上

雖諸父昆弟之喪如當父母之喪其除諸父

昆弟之喪也皆服其除喪之服卒事反喪服

詳見變

父

母之喪將祭而昆弟死既殯而祭如同宮則雖臣妾葬

而後祭祭主人之升降散等執事者亦散等雖虞祔亦

然

詳見卒哭祔練祥禫記練條

有殯聞外喪哭之他室

明所哭者異也

入

奠卒奠出改服即位如始即位之禮

詳見聞喪條

王父死

未練祥而孫又死猶是附於王父也

詳見卒哭祔練祥禫記

右並有喪 周人有喪魯人有喪周人弔魯人不

弔周人曰固吾臣也使人可也魯人曰吾君也親
之者也使大夫則不可也故周人弔魯人不弔以
其下成康為未久也君至尊也去父之殯而往弔
猶不敢況未殯而臨諸臣乎

詳見平
禮弔條

諸侯行而死於館則其復如於其國如於道則升其乘

車之左轂以其綏復

館主國所致舍復招魂復魄如於其國主國館賓與使有之得升屋

招魂用褰衣也如於道道上廬宿也升車左轂象升屋
東榮綏當為綏讀如韃賓之韃字之誤也綏謂旌旗之
旒也去其旒而用之異於生也疏曰五等諸侯朝覲
天子及自相朝會之屬死於館者謂主國有司所授館

舍也雖在他國所授之舍若復魄之禮則與在己本國同故云如於其國也如於道者如若也道路也謂若諸侯在道路死則復魄與本國異也乘車其所自乘之車也其復魄則俱升其所乘車左還轂上而復魄也此車以南面為正則左在東也升車左轂象在家升屋東榮也其王等之復人數各如其命數今轂上狹則不知以幾人崔氏云一人而已綏旌旗綏也在路死則用旌旗之綏亦冀魂魄望見識之而還也若王喪於國亦建綏而復周禮夏采云以乘其輅有袂緇布裳帷素錦以為車建綏復于四郊是也

屋而行

輅載柩將殯之車飾也輅取名於輓與舊讀如舊飾之舊輓棺也舊染赤色者也將葬載柩之

車飾曰輅袂謂輅甲邊緣緇布裳帷圍棺者也裳帷用緇則輅用赤矣輅象宮室屋其中小帳輓覆棺者若未大斂其載尸而歸車飾皆如之疏曰輅謂載柩之車有袂者謂輅之四旁有物袂垂象輅甲邊緣緇布裳帷

者輅下棺外用緇色之布以為裳帷以圍繞棺也素錦
以為屋者於此裳帷之中又用素錦以為屋小帳以覆
棺而行者於死處既設此飾而後行云輅載柩將殯之
車飾也者以下經云遂入適所殯是將殯車飾也云輅
取名於輅與輅者言此車所以名輅凡月二義一者取
名於輅觀近尸也二取名於輅輅草也故云取名於輅
與輅云讀如輅飾之輅者言經中輅字讀如輅飾之輅
案左傳定四年祝佗云封康叔以綃綃謂以輅草染飾
為赤色故讀此輅與彼同是亦輅草以染布也云將葬
載柩之車飾曰輅者證此經中輅非將葬車也云綃謂
輅甲邊緣者覆說輅象輅甲覆於棺上中央隆高四面
漸下綃象邊緣垂於輅之四邊與輅連體則亦赤也若
葬車之飾則上用荒不用輅也

至於廟門不毀牆遂入適所殯唯輅為
說於廟門外
廟所殯宮牆裳帷也適所殯謂兩楹之間
去輅乃入廟門以其入自有宮室也毀或

為徹凡柩自外來者正棺於兩楹之間尸亦俛之於此皆因殯焉異者柩入自闕升自西階尸入自門升自阼階其殯必於兩楹之間者以其死不久於室而自外來留之於中不忍遽也 大夫士死於道則

升其乘車之左轂以其綏復如於館死則其復如於家

綏亦綏也大夫復於家以玄冕士以爵弁服

大夫以布為輶而行至於家而

說輶載以輶車入自門至於阼階下而說車舉自阼階

升適所殯

大夫輶言用布白布不染也言輶者達名也不言裳帷俱用布無所別也至門亦說輶乃

入言載以輶車入自門明車不易也輶讀為軫或作摶許氏說文解字曰有輶曰輪無輶曰軫周禮又有蜃車天子以載柩蜃軫聲相近其制同乎軫崇蓋半乘車之輪諸侯言不毀牆大夫士言不易車互相明也不易者

不易以輔也廟中有藏
樞以輔之禮此不耳

士輔葦席以為屋蒲席以為裳

帷

言以為葦席為屋則無素錦為帳疏曰用葦席屈之
以為輔棺之屋又以蒲席為裳帷圍繞於屋旁也言

以士云葦席以為屋屋當帷帳之處故云無素錦為帳
矣然大夫無以他物為屋之文則是用素錦為帳矣與

諸侯同案諸侯與大夫上有輔旁有裳帷內有素錦屋
今士唯云葦席以為屋蒲席以為裳帷不云屋上所有

之物據文言之葦席為屋則常覆上輔處將蒲席為裳
帷接屋之四邊以障棺或曰大夫既有素錦為帳帳外

上有布輔旁有布裳帷則士之葦席屋之外旁有蒲席
裳帷則屋上當以蒲席為輔覆於上但文不備也未知

孰是故兩存
馬離記

其為賓則公館復私館不復其在野則

升其乘車之左轂而復

私館卿大夫之家也不於之
復為主人之慈喪大記

曾子問曰為君使而卒於舍禮曰公館復私館不復凡
所使之國有司所授舍則公館已何謂私館不復也孔
子曰善乎問之也自卿大夫士之家曰私館公館與公
所為曰公館公館復此之謂也

公館若今縣官宮也公所為君所命使舍已者

疏曰私館者謂非君命所使私相傳舍謂之私館公館謂公家所造之館與公所為者與及也謂公之所使為命傳舍之處亦謂之公館君所命傳客之處即是卿大夫之館也但有公命故謂之公館也

曾子問

曾子問曰君出疆以三年之戒以柩從君薨其入如之

何

其出有喪備疑喪入必異也戒猶備也謂衣衾親身棺曰柩其餘可死乃具也疏曰諸侯之君或出疆

朝會其出之時以三年之戒以禭從戒備也謂以三年喪備衣衾之屬并以禭棺而從出既有備今其入也如之何云其餘可死乃具也謂除禭之外大棺與屬若在

家年老亦死前為之今出疆禭從年未老故大棺等死

後乃具也

孔子曰共殯服

此謂君已斂殯服謂布深衣直經散帶垂殯時主人所服共之以待

其來也其餘殯事亦皆具焉

疏曰士喪禮小斂直經

大帛散帶垂又禮親始死布深衣至成服以來不改故

知殯服布深衣直經散帶垂其首服崔氏云小斂之前大夫士皆素冠小斂括髮之後士則加素冠大夫加素

弁云其餘殯事亦皆具焉以殯不可闕故知具焉

則子麻弁經疏衰菲杖

棺柩未安

不忍成服於外也麻弁經者布弁而加環經也布弁如爵弁而用布杖者為已病疏曰身著疏衰疏衰是齊

衰也足著菲屨菲謂蕉屨也其身已病者拄杖故云疏衰菲杖也又曰案士喪禮云三日成服今君喪在外仍

著麻弁疏衰故知不忍成服於外也云麻弁經者布弁而加環經也者布弁謂吉布十五升與于游麻衰及詩云麻衣如雪同知加環經者雜記云小斂環經是也云布弁如爵弁而用布者案檀弓云周人弁而葬殷人哂而葬哂是殷之祭冠明弁經似周之祭冠故知爵弁也云杖者為已病者以士喪禮服杖同時今服未成而已杖故云為已病也

入自闕升自西階

闕謂毀宗也柩毀宗而入異於生也升自西階亦異

於生也所毀宗殯宮門西也於此正棺而服殯服既塗而成服殷柩出毀宗周柩入毀宗禮相變也疏曰鄭恐是門闕故云毀宗也謂毀此宗廟之牆其處空闕故謂之闕云柩毀宗而入異於生也公羊定元年癸亥公之喪至自乾侯戊辰公即位正棺於兩楹之間然後即位注云正棺者象既小斂夷於堂也於此之時服殯服也云既塗而成服者謂嚴塗既畢而成服也檀弓云毀宗躐行殷道也既云毀宗始云躐行先毀宗後躐行是

從內而出故云
如小斂則子免而從柩
謂君已小斂也
主人布深衣不

括髮者行遠不可無飾
疏曰士喪禮從死至成服主

人皆著深衣故知小斂主人布深衣也
士喪禮云小斂

主人髻髮今著免者以在外
入自門升自阼階
親未忍

遠行不可無飾故著免也
入自門升自阼階
親未忍

異於生使如生來反
疏曰入自門
不自阼也升自阼階不由西階也
君大夫士一節也

疏曰非但君死於道路為然諸
掌客凡賓客死致禮

侯與大夫士一等也
同上

以喪用
死則主人為之具而殯矣喪用者饋奠之物

疏曰若諸侯之君出行則以三年之戒以禭從

死時除棺之外主人皆借之

若臣從者死棺物皆共之

右道有喪
許穆公卒于師葬之以侯禮也
男而侯

禮加一等凡諸侯薨于朝會加一等諸侯命有三等公為上等侯伯為中

等子男為下等死王事加二等謂以死勤王事於是有以袞斂衣

公服也謂加二等疏曰朝會亦王事而別言死王事者謂因王事或戰陳而死故別其文也信

公七年春秋左氏傳

曾子問曰將冠子冠者至揖讓而入聞齊衰大功之喪

如之何冠者賓及贊者孔子曰內喪則廢內喪同門也疏曰若是大門內之喪則

廢以加冠在廟廟在大門之內吉凶不可同處外喪則冠而不醴不醴不醴子也疏曰外

喪謂大門外之喪喪在他處猶可以加冠但平常吉時三加之後設醴以禮冠者之身今既有喪故直三加而

已不徹饌而埽即位而哭如冠者未至則廢饌任繼反

其廢者喪成服因喪而冠疏曰初飲迎賓之時未

知有喪醴及饌具既已陳設今忽聞喪故徹去醴與饌

具又埽除冠之舊位令使清潔更新乃即位而哭如賓

及贊者未至則廢而不冠也云其廢者喪成服因喪而

冠者以下文未及期如將冠子而未及期日而有齊衰

日因喪服而冠是也

大功之喪則因喪服而冠廢吉禮而因喪冠俱成人之

時成人之服喪冠是喪時成人之服今既有除喪不改

凶廢吉禮而因喪冠故云俱成人之服也

冠乎疏曰曾子問云此人因喪服而冠除孔子曰天子

喪之後不更改易而行吉冠之禮乎

賜諸侯大夫冕弁服於大廟歸設奠服賜服疏曰此孔

子引類答

儀禮經傳通解續

曾子謂諸侯幼弱未冠總角從事至當冠之年因朝天子天子而賜諸侯大夫或弁或冕之服於天子大廟之中榮君之賜歸設奠祭於己宗廟於斯乎有冠醺無冠此時身服所賜之服更不改冠也

醺醺子妙反酒為醺冠禮醺重而醺輕此服賜服醺用酒尊賜也不醺明不為改冠改冠當醺之疏曰斯此也於此之時唯有冠之醺法行醺以相燕飲無有冠之醺法謂不用醺以禮受服者之身所以然者凡改冠則當用醺今既受服於天子不可歸還更改為初冠禮法然則既因喪而冠不可除喪更改為吉冠也又曰案士冠禮云若不醺則醺用酒是酌酒為醺鄭注云酌而無醺酢曰醺皇氏云醺亦無醺酢而云酒無醺酢者以酒有醺酢為常禮故無醺酢乃謂之為醺云冠禮醺重而醺輕者案士冠禮適子三加於酢乃醺於客位醺是古之酒故為重士冠禮又云若庶子則冠于房外南面遂醺焉醺既用酒酒是後代之法故為輕也案士冠

禮若不醴則醢用酒注云若不醴謂國有舊俗可行聖人用焉不改者也如鄭此言則行周禮者適于用醴庶子用醢若用先王舊俗者雖適于與庶子同用醢先王是夏殷也雖在用前因而用也醢之所以異於醴者醴則三加之後總一醴之醢則每一加而行一醢凡三醢也云酌用酒尊賜也者謂諸侯大夫既受賜服而歸祭告之後使人酌酒以飲已禁上之賜不酬酢也云不醴明不為改冠者受賜服而來若其改而更冠應從適子之尊冠必酌醴以醴之今既不醴明不改冠也父沒而冠則已冠歸地而祭於

禩已祭而見伯父叔父而后饗冠者

饗謂禮之孔子既答其問又

釋父沒加冠之禮已冠之後歸地而祭於禩廟已祭之而見伯父叔父見伯叔之後乃饗冠者案士冠禮醴賓以壹獻之禮此云饗冠者前注云冠者賓及贊者此即是饗賓及贊者此父沒而冠案士冠禮云若孤子則父

兄成宿冠之日主人紒而迎賓拜揖讓立于序端則冠身自迎賓皇氏云冠者諸父迎賓非禮也 曾子問

曾子問曰昏禮既納幣有吉日女之父母死則如之

何

吉日取女之吉日

孔子曰壻使人弔如壻之父母死則女之

家亦使人弔

必使人弔者未成兄弟 端曰以夫婦有兄弟之義故曰未成兄弟下云不得嗣為

兄父喪稱父母喪稱母

禮宜各以其敵者也父使人弔之辭云某子聞某之喪某子使

某如何不淑母則若云宋蕩伯姬聞姜氏之喪伯姬使某如何不淑凡弔辭一耳 疏曰禮各宜以敵若彼家

父死則此家遣使弔當稱父遣使弔也若彼家母死則此家亦稱母遣使弔也云凡弔辭一耳者謂男弔女家

女弔男家皆云使某如

父母不在則稱伯父世母

弔禮不可

廢也伯父母又不在則稱叔父母疏曰此家父不在彼家父亡則稱伯父某子使某伯父某亦不在則稱叔

父壻已葬壻之伯父致命女氏曰某之子有父母之喪

不得嗣為兄弟使母致命女氏許諾而勿敢嫁禮也必致

命者不敢以累年之喪使人失嘉會之時疏曰必待

已葬者葬後哀情稍殺始兼他事不待踰年者不可曠

年廢人昏禮也不得嗣為兄弟者夫婦有兄弟之

義或據壻為妻父母有總麻之服故謂之兄弟壻免

喪女之父母使人請壻弗取而後嫁之禮也請請成昏

免喪之後則應此婦必須女之父母請者以女之父母

壻家既葬致命于已壻既免喪所以須請也女之父母

死壻亦如之女免喪壻之父母亦使人請曾子問曰

其已葬時亦致命同上

親迎女在塗而壻之父母死如之何孔子曰女改服布

深衣縞總以趨喪

布深衣縞總婦人始喪未成服之服疏曰女改服者謂女在塗聞舅姑

喪即改嫁時之衣服嫁服者士妻緣衣大夫妻展衣卿妻則鞠衣故士昏禮云女次純衣純衣即緣衣也深衣

謂衣裳相連前後深遠故曰深衣縞白絹也總束髮也長八寸女在塗以其聞喪即改嫁服故云未成服之服

也士喪禮注始死婦人將斬衰者去筭而纁將齊衰者骨筭而纁至將斂齊衰婦人亦去筭纁而壻皆不云縞

總文不備也

女在塗而女之父母死則女反

奔喪服期曰經云女反故

知奔喪喪服期云女子在室為父箭筭筭壻衰三年今既在塗非復在室故知服期但在室之女父卒為母亦

三年今既在塗故為父母同皆期也於時女亦改服布深衣縞總反而奔喪

如壻親迎女未

至而有齊衰大功之喪則如之何孔子曰男不入改服

於外次女入改服於內次然後即位而哭

不聞喪即改服者昏禮重

於齊衰以下

疏曰女既未至聞壻家有齊衰大功之

喪則廢其昏禮男女變服就位哭男謂壻也不入大門

改其親迎之服服深衣於門外之次女謂婦也入大門

改其嫁服亦服深衣於門內之次男女俱改服畢然後

就喪位而哭謂於壻家為位也皇氏以為就喪為位哭

也然曾子唯問齊衰大功不問小功者以小功輕不廢

昏禮待昏禮畢乃哭耳故雜記云小功可以冠子取婦

明與大功及期異也此不見喪而改服奔喪禮注云不

見喪不改服者崔氏云奔喪不見喪不改服謂不改素

冠而著免其改吉服著布深衣素冠聞喪即改之又云

上又云女聞壻之父母喪在塗即改服今女聞壻齊衰

大功之喪入門始改服故云不聞喪即改服者昏禮重

於齊衰

曾子問曰除喪則不復昏禮乎

復猶償也疏曰復是反覆之

義故為償也曾子以初昏遭喪不得成禮除喪之後豈不酬償更為昏禮乎

孔子曰祭過時

不祭禮也又何反於初

重喻輕也同牢及饋饗相飲食之道疏曰過時不祭謂四時

常祭也謂祭重而昏輕重者過時尚廢輕者不復可知熊氏云若喪祭及禘祫祭雖過時猶追而祭之故禘祫志云昭十一年齊歸薨十三年會于平丘冬公如晉不得祫至十四年乃追而祫之十五年乃禘也又僖公八年春當禘以正月會王人于泚故七月而禘故雖記云三年之喪既顙其練祥皆行是追行前練祥祭也同

上

曾子問曰女未廟見而死則如之何孔子曰不遷

於祖不祔於皇姑壻不杖不菲不次歸葬于女氏之黨

示未成婦也

遷朝廟也壻雖不備喪禮猶為之服齊衰也疏曰婦既死于已寢將反葬于女氏

之黨故其柩不遷移朝於壻之祖廟祔祭之時又不得祔於皇姑廟也皇天也君也稱皇者尊之也菲草屨也不次謂不別處止哀次也壻為妻合服齊衰杖而菲屨及止哀次今未廟見而死其壻唯服齊衰而已其柩還歸葬於女氏之黨以其未廟見不得舅姑之命示若未成婦然其實已成婦但示之未成婦禮欲見其不敢自專也又曰此經但云不杖不菲不云不服故知服齊衰其女之父母則為之降服大功以其非在家壻為之服齊衰非無主也同上

曾子問曰取女有吉日而女死如之何

孔子曰壻齊衰而弔既葬而除之夫死亦如之

未有所三年之

恩也女服斬衰疏曰所以既葬除者壻於女未有期之恩女於壻未有三年之恩以壻服齊衰故知女服斬

衰同上

曾子問曰諸侯旅見天子入門不得終禮廢者

幾

旅衆

孔子曰四請問之曰大廟火日食后之喪雨雪服

失容則廢

大廟始祖廟宗廟皆然主於始祖耳

曾子問曰諸侯相見揖讓

入門不得終禮廢者幾孔子曰六請問之曰天子崩大

廟火日食后夫人之喪雨雪服失容則廢

夫人君之夫人

曾

子問曰天子嘗禘郊社五祀之祭簋簠既陳天子崩后

之喪如之何孔子曰廢

既陳謂風興陳饌牲器時也天子七祀言五者闕中言之疏

曰天子七祀言五者周天子七祀諸侯五祀大夫三祀五居其中舉五而言則上兼七下通三欲見天子及大

夫其祭皆然闕
通也 同上

孔子曰天子崩未殯五祀之祭不行

既殯而祭其祭也尸入三飯不侑醕不酢而已矣自啟

至於反哭五祀之祭不行已葬而祭祝畢獻而已

既葬
彌吉

畢獻祝而後止郊社亦然唯嘗禘宗廟俟吉也

曾子問曰諸侯之祭社稷俎

豆既陳聞天子崩后之喪君薨夫人之喪如之何孔子

曰廢

亦謂風興陳饌牲醢時也

自薨比至于殯自啟至于反哭奉帥

天子

比必利反祭也社稷亦然

帥猶也所奉猶如天子者謂五祀之疏曰天子諸侯祭禮既止今儀

禮唯有大夫士祭禮衆特牲饋食禮祝延尸于與迎尸而入即延坐三飯告飽祝侑尸尸又飯至於九飯畢若

大夫依少牢饋食尸食十一飯而畢鄭注少牢云士九飯大夫十一飯也則其餘有十三飯十五飯也案此說則諸侯十三飯天子十五飯又案特牲禮尸九飯畢主人酌酒醕尸尸飲卒爵酢主人主人受酢飲畢酌獻祝祝飲畢主人又酌獻佐食此是士之祭禮也今酌此而說天子五祀之祭也天子崩未殯五祀之祭不行者以初崩哀慙未遑祭祀雖當五祀祭時不得行但五祀外神不可以已私喪久廢其祭故既殯哀情稍殺而後祭也其祭也尸入三飯不侑醕不酢而已矣者今喪既殯不得純如吉禮理須宜降殺侑勸也故迎尸入與之後尸三飯告飽則止祝更不勸侑其食使滿常數也又熊氏云謂迎尸入與之後尸三飯即止祝不勸侑至十五飯於時家宰攝主酌酒醕尸尸受卒爵不酢攝主故云三飯不侑醕不酢而已者謂唯行此而已不為在後餘事也自啟至于反哭五祀之祭不行者謂從啟殯以後葬畢反哭以前靈柩既見哀摧更甚故云五祀之祭不

行已葬反哭殯宮畢而行其祭但既葬彌吉尸入三飯
之後祝乃脩尸尸食十五飯攝主醑尸尸飲卒爵而酢
攝主攝主飲畢酌而獻祝祝受飲畢則止無獻佐食以
下之事所以然者以葬後未甚吉唯行此禮而已郊社
亦然者王制云唯祭天地社稷為越絺而行事是與五
祀同也趙商問云自啟至反哭五祀之祭不行注云郊
社亦然案王制云唯祭天地社稷為越絺而行事既云
葬時郊社之祭不行何得有越絺而行事鄭答越絺行
事喪無事時天地郊社有常日自啟及至反哭自當辟
之鄭言無事者謂未殯以前是有事既殯以後未啟以
前是無事得行祭禮故有越絺行事鄭云郊社有常日
自啟至反哭自當辟之者郊社既有常日自啟至反哭
自當辟此郊社之日郊社尊故辟其日不使相妨五祀
既卑若與啟反哭日相逢則五祀辟其日也鄭言天地
社稷去殯處遠祭時踰越此絺而往赴之五祀去殯處
近暫往則還故不為越絺也云唯嘗禘宗廟俟吉也者

謂為嘗禘之禮以祭宗廟俟待於吉故王制云喪三年不祭是也其在喪祭郊社之時其喪所朝夕仍奠雖記云國禁哭則止朝夕之奠即位自因也人臣尚爾明天子得也注云叩踊也所奉猶如天子者案上天子有祭五祀之文今諸侯五祀亦如天子諸侯祭社稷其遭喪節制與五祀同故云社稷亦然案天子崩后喪諸侯當奔赴得奉循天子之禮者諸侯或不自親奔而身在國者或唯據君薨及夫人之喪其嗣子所祭得奉循天子也

同上

曾子問曰大夫之祭鼎俎既陳籩豆既設不得

成禮廢者幾孔子曰九請問之曰天子崩后之喪君薨夫人之喪君之大廟火日食三年之喪齊衰大功皆廢外喪自齊衰以下行也

齊衰異門則祭

其齊衰之祭也尸入三

飯不侑醕不酢而已矣大功酢而已矣小功總室中之

事而已矣

室中之事謂賓長獻

士之所以異者總不祭

然則士不得成禮者

十所祭於死者無服則祭

謂若舅舅之子從母昆弟疏曰齊衰則祭若遭異門齊

衰之喪其祭迎尸入室但三飯則止祝更不勸侑使至十一但三飯耳主人酌酒醕尸尸不酢主人唯此而已大功酢而已矣大功服輕祭禮稍備尸三飯祝侑至十一飯而止主人酌酒醕尸尸酢主人主人乃停故云大功酢而已矣若小功總室中之事而已矣者小功與總麻其服轉輕祭禮轉備其祭尸十一飯訖主人酌尸尸卒爵酢主人主人獻祝及佐食畢次主婦獻尸尸酢主婦主婦又獻祝及佐食次賓長獻尸若平常之祭尸得賓長獻尸尸飲以酢賓賓又獻祝及佐食而祭畢止凡

尸在室之與祝在室中北廂南面佐食在室中戶西北面但主人主婦及賓獻尸及祝佐食等三人畢則止故云室中之事而已矣若致爵之時主婦在房中南面主人獻賓堂上北面皆不在室中其室中者獻尸祝佐食耳故此注云室中之事謂賓長獻此小功總麻兼內外知者以前文云內喪大功以上廢則知內喪小功以下不廢也案雜記云臣妾死于宮中三月而後祭之此內喪總麻不廢祭者此謂鼎俎既陳臨祭之時故不廢也若不當祭時有臣妾死于宮中及大夫為貴妾總麻子為父後者為其母總之屬皆不祭士之所以異者總不祭孔子見曾參歷問至大夫必應及士故因廣舉士以語之大夫唯至大功為九而士又加總小功二等合為十一此亦謂祭宗廟鼎俎既陳而值喪也大夫祭值總小功不辯內外皆不廢祭而禮則小異耳士值總小功不辯內外一切皆廢祭士輕故為輕親伸情也所祭於死者無服則祭謂若舅舅之子從母昆弟此等於已雖

服總而於祖禰則無服然此皆母親而得云無服者祭祀以祖禰為主母親於已服總於祖禰無服此皆母親以父為主也其從母父雖無服已為小功熊氏云亦廢祭也案經云總不祭所祭於死者無服則祭據總為文似不關小功故鄭以總服解之皇氏橫加小功其義非也同上

大夫士將與祭於

公既視濯而父母死則猶是與祭也次於異宮既祭釋服出公門外哭而歸其他如奔喪之禮如未視濯則使人告告者反而后哭如諸父昆弟姑姊妹之喪則既宿則與祭卒事出公門釋服而后歸其他如奔喪之禮如同宮則次於異宮

詳見奔喪條

曾子問曰鄉大夫將為尸

於公受宿矣而有齊衰內喪則如之何孔子曰出舍於

公館以待事禮也

吉凶不可以同處館以待事禮也者云

疏曰出舍于公且舍公館待事

畢然後歸哭也所以出於公館者以祭是吉凶不可同處也

聘君若薨于後

入竟則遂

既接於主國君也論聘者遭已君之喪

疏曰自此盡唯稍受之論聘者遭已君之喪行非常之禮事云接于

主國者謂謁闕人關人告君君使士請事是接于主國矣故入竟則遂也

赴者未至則哭于

巷衰于館

未至謂赴告主國君者也哭于巷者哭于巷門未可為位也衰于館未可以凶服出見人

其聘享之事自若吉也今文赴作訃赴者有兩使一使告聘者一使告主國

疏曰本國遭喪以其赴主國之

使未至是以未可為位受人吊禮云衰于館未可以凶服出見人者對下經赴者至則衰而出云其聘享之事

自若吉者下云受饗餼之禮故云先行聘享受禮受饗
乃後受禮以其主國未得赴告故自若吉也受禮受饗

不受饗食

亦不
受如

赴者至則衰而出

禮為隣國關於是可
以凶服將事也疏

曰主國君使者衰而出則主國可以闕樂云於是可
以凶服將事者謂主人所歸禮則賓可以凶服受之其正
行聘享則著吉服矣故唯稍受之也稍所教反稍廩食

離記云執玉不麻是也從卿行旅從從者既多不可闕於稍食案周禮每歸執
云稱事皆謂米廩以其稍稍給之故謂米廩為稍

主復命于殯升自西階不升堂

復命于殯者臣子
之於君父存亡同

子即

位不哭

將有告請之事宜清淨也不言世子者君薨也
諸臣侍之亦皆如朝夕哭位疏曰臣子一例

上下文唯言子不言羣臣與子同知如朝夕哭位者案
奔喪云奔父之喪在家者待之皆如朝夕哭位改知此

亦然 辭復命如聘

自陳幣至于上介以公賜告無勞疏曰上文君存時使者復命自陳公幣已

下至賜告之等今復命於殯所亦盡陳之故言辯知無勞者勞主君出命今君薨不可代君出命故知無勞也

子臣皆哭

使者既復命子與羣臣皆哭

與介入北鄉哭

新至別於朝夕疏曰朝

夕哭位在阼階下西面今於殯前北鄉故云別於朝夕也

出袒括髮

悲哀變於外臣也疏曰案奔

喪云至於家入門左升自西階東而哭括髮袒於殯東是於內者子故也此使者出門袒括髮變於外者臣故

也入門右即位踊

從臣位自哭至踊如奔喪禮疏曰奔喪云袒括髮於西階東即位踊襲

經于序東此門外袒括髮入門右即位踊亦當襲經于序東故云自哭至踊如奔喪禮也聘禮

若

有私喪則哭于館衰而居不饗食

私喪謂其父母也哭于館衰而居不敢以

私喪自聞於主國凶服于君之吉使春秋傳曰大夫以君命出聞喪徐行而不反疏曰衰而居謂服衰居館行聘事即皮弁吉服故不敢凶服于君之吉使也引春秋傳者案宣八年經書夏六月公子遂如齊至黃乃復公羊傳云其言至黃乃復何有疾也何言乎有疾乃復讎何讎爾大夫以君命出聞喪徐行而不反何氏注聞大喪而不反重君命也徐行者為君當使人追代之以喪喻疾者喪猶不還而沉疾乎是也以此言之使雖未出國境聞父母之喪遂行不敢以私廢王事君使人代之可也以此言之明至彼所使之國雖聞父母之喪不反可知是以哭歸使衆介先衰而從之已有齊斬之服不忍顯然趨於往來其在道路使介居前歸又請反命已猶徐行隨之君納之乃朝服既反命出公門釋服哭而歸其他如奔喪之禮吉時道路深衣疏曰已有齊斬之服者為父斬衰為母齊衰也不忍顯然趨於往來者解經使衆介

先衰而從之之意經云歸據反國時燕云往者鄭意去時聞父母之喪不敢即反亦使衆介先衰而從之故往來並言云在道路使介居前者謂向彼國時云歸又請反命已猶徐行隨之者此謂還國至近郊使人請反命君許入猶使介居前徐行於後隨介至國也君納之乃朝服者以其行聘之時猶不以凶服于君之吉使而服吉服知此反命時亦不以凶服于君之吉使而服朝服如吉時反命矣云出公門釋服哭而歸者案雜記云大夫士將與祭於公既視濯而父母死則猶是與祭也次於異官既祭釋服出公門外哭而歸明此亦出公門釋朝服而歸但彼祭服不可著出故門內釋服此朝服可以著出門乃釋服為異也云其他如奔喪之禮者案奔喪禮至於家入門左升自西階墮東西面坐哭盡哀括髮袒降堂東即位西鄉哭成服襲經于序東紼帶反位拜賓成踊送賓反位有賓後至者則拜之成踊送賓皆如初衆主人兄弟皆出門出門哭止闔門相者告就次

於又哭括髮袒成踊於三哭猶括髮袒成踊三日成服拜賓送賓皆如初云吉時道路深衣者以其朝服之下唯有深衣庶人之常服既以朝服反命出門去朝服還服吉時深衣三日成服乃去之同上

掌客

賓客有喪惟芻稍之受

稍所殺反舊疎詔反不受饗食饗食加也喪謂父母死也客

則又有君馬芻給牛馬稍人廩也其正禮餼饗饗主人致之則受疏曰喪謂父母死也者據正賓而言若諸侯止應母死而有父者或始封之君舊為卿大夫容有父或父有廢疾不立已受位于祖亦云有父也云客則又有君馬者謂介已下非直有父母又有君喪以其俱三年故聘禮若有私喪則哭于館哀而居云芻給牛馬者從行之牛馬云稍人廩也者師從旅從者須給稍即月廩是也餼饗饗主人致之則受者以正禮故受之若饗食如主人致之亦不受也周禮

大夫以君命出聞喪徐行而不反

聞喪者聞父母之喪不忍疾行又為君當使人追代之
以喪喻疾者喪尚不當反況於疾乎宣八年春秋公
羊傳聘遭喪入竟則遂也遭喪主國君薨也入竟則遂

入竟矣闕人未告則反疏曰從此盡練冠以受論主
國君或夫人薨或世子死行變禮之事云以國為體者
聘君主以聘國故君雖薨而遂入闕人未告則反者聘
使至闕乃謁闕人闕人入告君君知乃使士請事已入
闕自然入矣若闕人未告者君不知不郊勞子未
使者又未入聞主國君死理當反矣不郊勞君也
几致命不於廟就尸柩於殯宮又不神之疏曰不筵
几致命不於廟決正聘設几筵也就尸柩於殯宮者
國君雖以國為體主聘其國但聘亦為兩君相好今
君薨當就尸柩故不就祖廟也云又不神之者以其鬼
神所在曰廟則殯宮亦得為廟則設几筵亦可矣不禮
但始死不忍異於生不神之故於殯傍無几筵也

賓

喪降事也 疏曰既行聘享訖不以醴酒禮賓也

主人畢歸禮

賓所飲食不

饗餼饗食 疏曰知歸禮中兼有饗食者饗食亦有生致法故主人亦歸之

賓唯饗餼之受

受正不受加也 疏曰饗餼之禮是其正自饗食之等是其加也

不賄不禮玉不贈

喪殺

禮為之不備 疏曰不賄者謂不以束帛不禮玉者謂不以束帛乘皮以報享不贈者賓出至郊不以物贈之

聘也

遭夫人世子之喪君不受使大夫受于廟其他

如遭君喪

夫人世子死君為喪主使大夫受聘禮不以凶接吉也其他謂禮所降 疏曰禮記服問

曰君所主夫人妻太子適婦鄭注云言妻見大夫以下亦為此三人為喪主也故云君為喪主既為喪主是以使大夫受聘禮不以凶接吉也云其他謂禮所降者謂不禮以下不贈以上皆闕之 聘禮

遭喪

將命于大夫主人長衣練冠以受

遭喪謂主國君薨夫
人世子死也此三者

皆大夫攝主人長衣素純布衣也去衰易冠不以純凶
接純吉也吉時在裏為中衣中衣長衣繼皆掩尺表之
曰深衣純袂寸半耳君喪不言使大夫受子未君無使
臣義也疏曰此經總說上三人死主君不得受命故

使將命于大夫主人即大夫故鄭云此三者皆大夫攝
主人也云長衣素純布衣者此長衣則與深衣同布但
相長素純為異此長衣之緣以素為之故云素純也去
衰易冠者謂脫去斬衰之服而著長衣脫去六升九升
之冠而著練冠云不以純凶接
純吉者聘禮是純吉禮同上

掌客遭主國之喪不

受饗食受牲禮

牲亦當為腥聲之誤也有喪不忍煎亨
正禮殮饗餼當熟者腥致之也疏曰

案聘禮聘聘遭喪入境則遂也主人畢歸禮注云禮謂饗
餼饗食賓唯饗餼之受注云受正不受如饗食雖主人

歸賓賓不受其加若襲主人致之亦應受以其正受腥禮周禮

君之喪未小斂為

國賓出拜國賓于位

疏曰國賓謂鄰國大夫來聘者遇主國君之喪喪大記

賓

入境而死遂也主人為之具而殯

具謂始死至殯所當用疏曰賓入境而

死遂也者若未入境即反

介攝其命

為致聘饗之禮也初時上介接命命為致聘饗之禮也初時上介接

時賓介同北面介接聞君命矣以是賓死得攝其命

君弔介為主人

雖有臣子親姻猶不

為主人以介與賓並命于君尊也

疏曰古者賓聘家臣適子皆從行是以延陵季子聘於齊其子死葬于贏

博之間故鄭云雖有臣子親姻猶不為主人以介尊故也

主人歸禮幣必以用

中

奠贈諸喪具之用不必如賓禮

疏曰喪具謂饗與小斂大斂不必如賓禮者不必如致饗饗之禮束紡皮帛

之類不堪喪者之用故也

介受賓禮無辭也

介受主國賓已之禮無所辭也以其當陳之以

反命也有賓喪嫌其辭之

不饗食

疏曰不受饗食明受饗餼正禮也

歸介復命柩止

于門外

門外入門外也必以柩造朝達其忠心

疏曰

三朝內朝在路寢庭正朝在路門外應門外無朝外朝當在皋門外經直云止於門外無入門之言明知止于

大門外外

介卒復命出奉柩送之君弔卒殯

疏曰當介復命之時

朝之上

賓之尸柩在外朝上介卒復命謂復命訖出君大門奉賓之柩送至賓之家屍柩入殯于兩楹之間君往就弔

卒殯者謂殯訖殯是喪之大節故云卒殯成節乃去謂君與大夫盡去

若大夫介卒亦

如之

不言上介者小聘上介士經不言上介者欲兼見小聘之

疏曰大聘上介是

法也若小聘上介末介皆士則入下文士介死中士
以其下文更不見小聘賓介死法故此兼言之也

介死為之棺斂之

不具他衣物也自以時服也疏曰
以士介卑直具棺不具他物其士介

從者自用時服斂

君不弔焉

主國君使人弔不親往

若賓死未將命則

既斂于棺造于朝介將命

未將命謂侯間之後也以樞造朝以已至朝志在達君命

疏曰前云賓入境而死謂在路死未至國此經更說
賓至朝侯間之後使大夫致館未行聘饗而賓在館死
故鄭云以樞造朝志在達君命則
知上國外死不以樞造朝可知

若介死歸復命唯

上介造于朝

若介死雖士介賓既復命往卒殯乃歸

往謂送樞

聘禮

掌客凡掌客死致禮以喪用

詳見道有喪條

右因吉而凶

冠昏祭聘

仲遂卒于垂壬午猶繹萬入

去籥

春秋經在宣八年仲遂魯莊公之子東門襄仲先日卒已有事于大廟而仲遂卒明日而

繹非也萬干舞也籥籥舞也傳曰去其有聲者廢其無聲者

仲尼曰非禮也鄉

卒不繹

繹音亦去羌呂反籥羊勺反疏曰萬是執干而舞武舞也籥舞執羽吹籥而舞文

舞也宣八年公羊傳云去其有聲謂去籥舞以吹籥有聲故也廢其有聲謂廢留萬舞而不去以萬

舞無聲故也

季文子將聘于晉求遭喪之禮以行

季孫行父也聞晉侯疾故

其人曰將焉用之文子曰備豫不虞

古之善教也求而無之實難

難卒得卒寸恕反

過求何害

所謂文
子三思

八月晉侯驩卒

文公六年春
秋左氏傳

楚子西子

期伐吳陳侯使公孫貞子弔焉及良而卒將以尸
入吳子使大宰嚭勞且辭曰以水潦之不時無乃
廩然隕大夫之尸以重寡君之憂寡君敢辭上介
芊尹蓋對曰寡君聞楚為不道荐伐吳國寡君使
弔君之下吏無祿使人逢天之慙大命隕隊絕世
于良廢日共積廢行道之日以共具
殞斂所積聚之用一日遷次一
便遷次不
敢留君命今君命逆使人曰無以尸造于門是我

寡君之命委于草莽也且臣聞之曰事死如事生

禮也於是乎有朝聘而終以尸將事之禮

朝聘道死以尸

行又有朝聘而遭喪之禮若不以尸將命是遭喪

而還也無乃不可乎吳人內之

傳言茅尹蓋知禮哀公十五年春

秋左氏傳

以喪冠者雖三年之喪可也既冠於次入哭踊三者三

乃出

言雖者明齊衰以下皆可以喪冠也始遭喪以其冠月則喪服因冠矣非其冠月待變除卒哭而冠

次廬也雖或為唯疏曰謂將欲加冠而值其喪則當成服之時因喪服加冠非但輕服得冠雖有三年重喪

亦可為因喪服而冠故云可也既冠於次者此謂如冠於廬次之中若齊衰以下加冠於次舍之處入哭踊三者三乃出者謂既冠之後入於喪所哭而跳踊謂每節一哭而三踊如此者三凡為九踊乃出就次所知當冠月則喪服因冠者以曾子問云將冠子未及期日而有齊衰大功小功之喪則因喪服而冠言未及期日明及月可知但未及冠之日耳以此言之知冠月則可冠也云非其冠月待變除卒哭而冠者案夏小正二月綏多士女是冠用二月假令正月遭喪則二月不得因喪而冠必待變除受服之節乃可以冠矣云次廬也者據重服而言也

雜記

大功之末可以冠子可以嫁子父小功之

末可以冠子可以嫁子可以取婦已雖小功既卒哭可

以冠取妻下殤之小功則不可

取七位反又如字父大功卒哭而可以冠子

嫁子小功卒哭而可以取婦已大功卒哭而可以冠子
小功卒哭而可以取妻必偕祭乃行也下殯小功齊衰
之親除喪而後可為昏禮凡冠者其時當冠則因喪而
冠之疏曰未謂卒哭之後大功之末云身不云父小
功之末云父不云身互而相通是大功之末可以冠子
嫁于小功之末非但得冠子嫁于復可取婦所以取婦
必在小功之末者以取婦有酒食之會集鄉黨僚友故
小功之末乃可得為也已雖小功既卒哭可以冠取妻
者以前文云父小功之末可以取婦恐已有小功於情
為重不得冠取故云可以冠取此文云既卒哭明上云
末者並卒哭後也下殯之小功則不可者謂其餘小功
可以冠取若本服齊衰下殯降在小功者則不可冠嫁
以本服是齊衰重故也若其長殯中殯之大功者庾氏
云卒哭之後則得與尋常大功同於大功之末可以身
自冠嫁雖本期年但降在大功其服稍伸故得冠嫁也
賀氏云小功下殯本是期親以其重故不得冠嫁推此

言之降在大功理不得冠嫁今謂齊衰下殤尚不可冠
嫁況齊衰長中殤之降在大功者庾記非也今從賀義
云必偕祭乃行也者偕俱也父是大功之末已亦是大
功之末乃得行此冠子嫁于父小功之末已亦小功之
末可以嫁取必父子俱然乃得行事故云必偕祭乃行
知父子俱大功小功者若姑及姊妹出適父子俱為大
功若從祖兄弟父為之小功已亦為之小功是父子其
服同也若父有齊衰子有大功則不可若父有大功子
有小功可以冠嫁未可以取婦必父子俱有小功之末
可以取婦若父是小功已在經麻均然合取可知又云
必偕祭乃行者言為諸吉禮必待祭訖乃行也云下殤
小功齊衰之親除喪而後可為昏禮者言除訖可為昏
禮則未除喪不可為昏禮云小功則不可者唯謂昏也
其冠嫁則可也云凡冠者其時當冠則因喪而冠之者
鄭以經云大功小功之末可以吉冠則大功小功之初
當冠之時則因喪服而冠矣鄭以前經云以喪冠者雖

三年之喪可也者特據重服喪中可冠恐輕服大功小功者在喪不合冠故鄭於注特明之

同上

喪

三年不祭唯祭天地社稷為越紼而行事

紼音弗不敢以卑廢尊

越猶躐也紼輻車索

輻勑倫反

疏曰私喪者是其卑天地社稷是其尊今雖遭私喪既殯已後若有天地

社稷之祭即行之故云不敢以卑廢尊也越足踐躐之義但未葬之前屬紼於輻以備火災今既祭天地社稷須越躐此紼而往祭所故云越紼云紼輻車索者以傳住之時指其經體則謂之紼若在塗人挽而行之則謂之引鄭注雜記云廟中曰紼在塗曰引天地社稷故有越紼之禮六宗及山川之等卑於天地社稷待喪終乃祭故鄭志荅田瓊云天地郊社至尊不可廢故越紼祭之六宗山川之神則否其宮中五祀在喪內則亦祭之故曾子問云君薨五祀之祭不行既殯而祭之自啟至於反哭五祀之祭不行既葬而祭之故鄭荅田瓊云五

祀宮中之神喪時朝夕出入所祭不為越紼也天地社稷之祭預卜時日今忽有喪故既殯越紼行事若遭喪之後當天地郊社常祭之日其啟殯至於反哭則避此郊社祭日而為之案禮卒哭而祔練而禘於廟此等為漸死者而為之則非常祭也其常祭法必待三年喪畢也其春秋之時未至三年而為吉祭者皆非禮也若杜預之意以為既祔以後宗廟得四時常祭三年大禘乃同於吉故僖公三十二年凡君薨卒哭而祔祔而作主特祀於主烝嘗禘於廟杜註云新主既特祀於寢則宗廟四時常祀自如舊三年禮畢又大禘乃皆同於吉如杜之意與三年不祭違者案釋例云禮記後儒所作不正與春秋同是杜不盡用禮記也王制程氏遺書曰禮言惟天地之祭為越紼而行事此事難行既言越紼則是猶在殯宮於時無由致得齊又安能脫喪服衣祭服此皆難行縱天地之祀為不可廢則當使冢宰攝爾昔日英宗初即位有人以此問先生曰今人居喪百事皆如

常特於祭祀廢之則不如無廢為愈也子厚正之曰父在為母喪則不敢見其父不敢以非禮見也今天子為父之喪以此見上帝是以非禮見上帝也故不如無祭或問喪三年不祭朱先生曰程先生謂今人居喪都

不能如古禮却於祭祀祖先獨以古禮不行恐不得橫渠曰如此則是不以禮祀其親也又曰喪祭之禮程張

二先生所論自不同論正禮則當從橫渠論人情則伊川之說亦權宜之不能已者但家間項年居喪於四時

正祭三獻受胙非居喪所可行而俗節則唯普同一獻不讀祝不受胙也如此則於遠祖不必別議稱呼矣

居喪不祭伊川橫渠各有說若論今日人家所行則不合禮處自多難以一舉論若用韓魏公法則有時祭有

節祠時祭禮繁非居喪者所能行節祠則其禮甚簡雖以墨線行事亦無不可也

天子崩國

君薨則祝取羣廟之主而藏諸祖廟禮也卒哭成事而

后主各反其廟

詳見卒哭祔練祥禫記卒哭條

天子崩未殯五祀之

祭不行既殯而祭其祭也尸入三飯不侑醕不酢而已

矣自啟至于反哭五祀之祭不行已葬而祭祝畢獻而

已其齊衰之祭也尸入三飯不侑醕不酢而已矣大

功酢而已矣小功緦室中之事而已矣士之所以異者

緦不祭所祭於死者無服則祭

以上二條詳見上因吉而凶條

曾子

問曰相識有喪服可以與於祭乎

問已有喪服可以助相識者祭否孔

子曰緦不祭又何助於人

疏曰身有緦服尚不得自祭已家宗廟何得助于他人祭

乎而熊氏云謂身有總服則不得自為父母虞祔卒哭祭此謂同宮總則士為妾有子及大夫為貴妾是同宮總者若大夫士有齊衰大功小功總麻同宮則亦不祭若異宮則殯後得祭故雜記云父母之喪將祭而昆弟死既殯而祭若同宮則雖臣妾葬而後祭虞祔亦然天子諸侯臣妾死於宮中雖無服亦不得為父母虞祔卒哭祭也天子諸侯適子死斬衰既練乃祭天子諸侯為適孫適婦則既殯乃祭以異宮故也 曾子問

曰廢喪服可以與於饋奠之事乎

謂新除喪服也

孔子曰說衰

與奠非禮也

執事於人之神為其忘哀戚也

以擯相可也

相息亮反此論大祥除

服不得與他人饋奠之事廢猶除也不問可與吉祭而問可與饋奠者以已新說喪服吉祭禮輕決其不可饋奠是他人之重者已又新始說衰凶事相因疑得助奠故問之也 曾子問 曾子問曰君

薨而世子生如之何孔子曰卿大夫士從攝主北面於

西階南

變于朝夕哭位也攝主上卿代君聽國政疏曰公羊云君存稱世子君薨稱子某此既君薨

仍稱世子者以其別為庶子又用世子之禮告殯故雖君薨猶稱世子攝主上卿代國政者卿大夫士等皆衣衰服北面文不言者以下文云大祝禋冕明卿大夫士等不禋冕也注云變於朝夕哭位者喪大記云君之喪既正尸鄉大夫父兄子姓立于東方又士喪禮朝夕哭大夫即位于門外西面北上外兄弟在其南南上賓繼之北上若其門內位主人堂下直東序西面兄弟皆即位如外位鄉大夫在主人之南是朝夕內外哭位皆在東方也今乃從攝主北面於西階南故云變於朝大祝

禋冕執束帛升自西階盡等不升堂命毋哭

將有事宜清靜也禋

冕者接神則祭服也諸侯之卿大夫所服裋冕絺冕也
玄冕也士服爵弁服大祝裋冕則大夫疏曰大祝以
大夫為之祝主接神故服裋冕祭服也以其將告
神故執束帛執持也束帛十端也端則二丈鬼神質故
用偶數也鬼神以丈八尺為端鬼神之道路陰陽不測故
用陰陽之數求之一丈象陽八尺法陰十端六玄四纁
五兩三玄二纁纁是地色玄是天色也欲往告殯故升
自西階若於堂下告則大遠堂上告則大近殯故升階
盡等級即不升堂將有告事宜靜故命毋哭卿大夫所
服裋冕絺冕也者案觀禮侯氏裋冕鄭注云裋冕者衣
裋衣而冠冕也裋之為言埤也天子六服大裘為上其
餘為裋言服裋衣而著冕故云裋冕言裋者取其績纁
云諸侯之卿大夫所服裋冕絺冕也玄冕也者此言五
等諸侯之孤卿大夫唯絺冕而下此卿兼公孤卿也若
孤卿則絺冕若三命再命卿大夫服玄冕故周禮司服
云孤自絺冕而下卿大夫自玄冕而下周禮謂三孤六

鄉為九卿總云謂卿四命是卿名通於孤也云士服爵弁服者以天子大祝是大夫諸侯則無丈若是士則爵弁今經云大祝禪

祝聲三告曰其之子生敢告

聲噫故

其夫人之氏也疏曰言若夫人某氏之子生以告殯之辭也直云祝聲不知作何聲論語云顏淵死子曰噫天喪予檀弓云公肩假曰噫是古人發聲多云噫故知此聲亦謂噫也凡祭祀神之所饗謂之敬今作聲敬令神敬饗故云

升奠幣於殯東几上哭降

几筵於殯東明

謂告殯竟執束帛者升堂奠置所執之幣於殯東几筵上畢遂哭哭竟而降階也案阮謏禮圖云几長五尺高尺二寸廣二尺司几筵云凡喪事右素几注云喪事謂几奠也又云凶事仍几注云凶事謂几奠几朝夕相因喪禮畧以此推之即素几是殯宮朝夕設奠之几然殯宮几筵為朝夕之奠常在不去今更特設几於殯東常

明世子是繼體之主故於常几筵之外別特設之

衆主人卿大夫士房中皆哭

不踊

衆主人君之親也房中婦人

盡一哀反位遂朝奠

反朝夕哭位疏曰衆士

喪禮每日之旦於朝夕哭位先哭而後行朝奠朝奠了又哭今因西階前哭畢反此朝夕哭位於位不更哭即

行朝奠禮謂一時兼

小宰升舉幣

所主也舉而下埋之階間疏曰所以小

宰舉幣幣是小宰所主故云所主也故周禮小宰職云

凡祭祀贊玉幣爵之事喪荒受其含綖幣玉之事是也

必知埋之階間者下文云師行主命反必告設奠卒三

日衆主人卿大夫士如初位北面

三日負子曰也初告生時疏曰三日之

朝自衆主人以下悉到西階下列位如初日大宰大宗

子生之儀也以子自為主故不云從攝主也

大祝皆裨冕少師奉子以衰祝先子從宰宗人從入門

哭者止

少升召反奉芳勇反從才用反 宰宗人詔贊君事者 疏曰大宰是教令之官大宰是主宗

廟之官初不裨冕今得裨冕者以為奉子接神故服祭服少師奉子以衰者少師主養子之官又奉子故與子皆著衰也皇氏及王肅云謂以衰衣而奉之祝先子從者祝主接神故先進也少師奉子次從祝也上云大宰大宗此直云宰宗人者皇氏云宰則大宰宗人則大宗也此祝先子從同吉祭之禮故特牲少牢皆祝前主人後若凶祭則主人前祝在主人後士虞禮是也今此亦凶而祝在前者以其告神故也大宰大宗為詔告贊君事故次從在後也入門入殯宮門也衆主人及諸臣並已先列位而哭今祝宰宗三人將子入門見故命門內在位者
子升自西階殯前北面祝立于殯東南隅祝聲止哭也

三曰某之子某從執事敢見子拜稽顙哭

見賢通反
奉子者拜哭

疏曰子升自西階者謂世子不忍從先君之階升故由西階升於時大宰大宗及祝亦升不言從者以子為主故畧而不言也殯前北面者殯以東為前謂當殯之東稍南北面也祝立于殯東南隅者祝在子之西而北而當殯之東南故云殯東南隅也其宰及宗人皇氏云以次立于子之東皆北面若其須詔相之時或就子前而西面也祝聲三者亦謂警神也前告生哀甚故盡階不升堂此見子須近殯故進立于殯東南隅既警神之後祝乃告曰夫人某氏之子某從執事宰宗人等敢見告訖奉子之人拜而稽顙乃哭不踊者未即位故也

祝宰宗人衆主人卿大夫士哭踊三者三降東反位皆

袒子踊房中亦踊三者三襲衰杖

踊襲衰杖成于禮也
疏曰祝宰宗人卿

大夫士哭踊三者三此等以子稽顙哭故亦祝宰宗人在堂上北面哭衆主人卿大夫士俱在西階下北面哭而踊每踊三度為一節如此者三故云三者三降東反位者堂上皆降反東在下者皆東反朝夕哭位降者謂降自西階也皆袒者以初堂上堂下之哭非正位故不袒今反朝夕哭位故皆袒子踊房中亦踊者以上文子不踊房中亦不踊至此乃踊故云子踊房中亦踊明祝宰宗人衆主人及卿大夫士反位亦皆踊也當子踊之時亦袒也故下注云踊襲衰杖**奠出**亦謂朝奠疏曰成子禮也既云襲明初時袒也**奠出**恐是見子故為奠祭故云亦謂朝奠以告生之時遂朝奠故云亦謂朝奠知非特奠者在殯無特告奠之法故也**大宰命祝史以名徧告于五祀山川**因負子名之喪於禮畧也疏曰案內則及左傳桓六年皆三月乃名之今此因負子三日即名之以喪事促遽於禮簡畧不暇待三月也**曾子問曰**

如已葬而世子生則如之何孔子曰大宰大宗從大祝

而告于禩

禩乃禮反 告生也 疏曰大宰大宗從大祝而告于禩者禩父殯宮之主也既葬訖殯

無尸柩唯有主在故告于主漸神事之故也同廟主之名故曰禩也然直云三人告禩不云攝主者葬時攝主已弁經葛以交神明葬竟又服受服喪之大事便畢攝主亦無復有此事故子生則攝主不復與羣臣列位西階下故自還依大宰之禮與大宰大宗從大祝禩冕而告殯宮中主也不云禩冕者未葬尚禩冕葬後不言自顯也不云束帛者凡告必制幣從之可知也 三月乃名于禩以名徧告及社

稷宗廟山川

疏曰三月乃名于禩者葬後神事之故依平常之禮三日不見也三月乃見因見乃

名故云乃名于禩也從見之人與告生不異故不重言也雖三日不見其成服衰經自依常禮也以名徧告及

社稷宗廟山川者名于禩既畢宰亦命祝史徧告也不言宰命祝史從可知也又前不云社稷宗廟此不云五祀互相明也王肅云前三日名之云未葬當稱子某故三日因名之也此經既葬稱子不稱名故三月乃名也

曾子問

右因凶而吉

冠昏祭世子生

文公二年公子遂如齊納

幣納幣不書此何以書譏何譏爾譏喪娶也娶在

三年之外則何譏乎喪娶三年之內不圖婚

僖公以十

二月薨至此未滿二十五月又禮必先納采問名納吉乃納幣此四者皆在三年之內故云耳娶

者大吉也以為有人心焉者則宜於此焉變矣

春秋

公羊
傳

儀禮經傳通解續卷十三

欽定四庫全書

儀禮經傳通解續卷十四

宋 黃幹 撰

弔禮 喪禮十二

補

喪祝王弔則與巫前

喪祝與巫以桃厲執戈在王前 春官

男巫王弔則

與祝前

巫祝前王也 同上

典路王弔于四方以路從

王乘一路典路亦以

餘路從行亦以

大司馬若師不功王弔勞士庶子則相

華國

同上

師賊王親弔士庶子之元者勞其傷者則相王之禮庶子卿大夫之子從軍者或謂之庶士

太僕

掌三公孤卿之弔勞

疏曰此等皆王親往今使太僕者或王有故不得親往故使太僕也同

上

宰夫凡邦之弔事掌其戒令

詳見贈喪除

小臣掌士大

夫之弔勞

此亦王使往夏官

女巫若王后弔則與祝前

女巫與祝前

如王禮

春官

女御從世婦而弔于卿大夫之喪

從之數蓋如使者之介云

疏曰三夫人象三公九嬪象孤卿二十七世婦象大夫

女御象元士但介數依命數為差則王之大夫四命世婦

之從亦四人以無正文故言

蓋言云以疑之也

天官

鬯人凡王弔臨共介鬯

介音

界

以尊適卑曰臨玄謂曲禮曰摯天子鬯王至尊介為摯致之以禮於鬼神與疏曰摯天子鬯者彼摯下與諸

侯主卿羔已下為目此天子以皂為摯若卿羔之類但天子至尊不自執使介為摯致之以禮於鬼神與者無正史蓋置於神前故云
內宗凡卿大夫之喪掌其弔臨
與以疑之 春官 王后 弔臨

諸侯而已是以言掌卿大夫云 疏曰諸侯為掌弔臨之事明為后掌之若然天官世婦云掌弔臨于卿大夫之喪彼注云王使往弔也此若不弔臨大夫之喪案喪大記諸侯夫人弔臨卿大夫者諸侯臣少故也 同上 **世**

婦掌弔臨于卿大夫之喪

王使往弔 疏曰案內宗云凡卿大夫之喪掌其弔臨注云王

后弔臨諸侯而已彼上文與后事相連彼主於后故知此王使往也若然后無外事攸弔諸侯謂三公王子母弟若畿外諸侯則后不弔以王為三公六卿錫衰諸侯緦衰諸侯既輕於王之卿卿既后不親弔畿外諸侯不親弔可知然喪大記諸侯夫人弔卿大夫士之喪者以諸侯臣少故不分別尊卑夫人皆弔之也案司服公卿大夫皆王親弔

之此文使世婦往弔者此蓋使世婦致禮物但弔是大名雖致禮亦名為弔是以太僕云掌三公六卿之弔勞注云王使往小臣云掌士大夫之弔勞注云致禮同名為弔是其事也此所弔不言三公與孤者又不具也 天官

寺人凡內人弔臨于外則帥而往立于其前而詔相之

臨良鳩反 從世婦所弔若哭其族親立其前者賤也賤而必詔相之者出入於王宮不可以闕於禮 疏曰知從世婦不自弔臨者案世婦職云掌弔臨于卿大夫之喪故內人得從之也云若哭族親者世婦所掌弔唯云弔卿大夫云哭族親據理而言王后有哭族親之法則內人女御亦往哭之 天官 內宗大喪序哭

者外內宗哭諸侯亦如之 疏曰此諸侯來朝薨於王國及命婦 王為之緦衰者也若檀弓云

以爵弁純衣哭諸侯彼謂薨於本國王遙哭之則婦人不哭之婦人無外事故也 春官 外宗大

喪則敘外內朝莫哭者哭諸侯亦如之

內外宗及外命婦同上

若臨臣喪以巫祝桃茢執戈

詳見喪禮義

先王之制諸侯

之喪士弔大夫送葬

詳見會葬條

弔者即位于門西東面

其介在其東南北面西上西於門主孤西面上客臨

客立于門西介立于其左東上孤降自阼階拜之

同上案

諸侯使人弔含禭贈臨同日畢事其序則弔在前臨在後今以弔臨為哀死者之事含禭贈是贈死者之事故

舉弔臨兩條之畧於此其全文則詳見贈喪條列於含禭贈之先後庶有以見行禮之序云

君使

人弔徹帷主人迎于寢門外見賓不哭

詳見士喪禮君使人弔條

大夫之喪將大斂既鋪絞衾衣君至

詳見喪大記大斂條

士

之喪將大斂君不在其餘禮猶大夫也

同上

君於大夫

世婦大斂焉為之賜則小斂焉

詳見喪大記殯後受弔條

大夫士既

殯而君往焉

同上

君若有賜則視斂

詳見士喪禮君視斂條

君

弔見尸柩而后踊

詳見喪大記殯後受弔條

諸侯非弔死問疾而

入諸臣之家是謂君臣為謔

詳見喪禮義

喪公弔之曰寡

君承事

示亦為執事來

主人曰臨

君辱臨其臣之喪檀弓

諸侯弔於異

國之臣則其君為主

君為之主弔臣恩為已也子不敢當主中庭北面哭不拜疏曰君

無弔他臣之禮若來在此國遇主國之臣喪時為彼君之故而弔故主國君代其臣之子為主

小記

賓入竟而死遂也主人為之具而殯君弔介為主人

詳見

變禮

君遇柩於路必使人弔之

君於臣民有父母之恩

檀弓

大夫

弔於大夫士主人出迎于門外

詳見喪大記

大夫君不迎

于門外入即位于堂下

同上

五廟之孫祖廟未毀雖為

庶人死必赴練祥則告族之相為也宜弔不弔宜免不

免

音問

有司罰之至于賵賻承含皆有正焉

承音贈疏曰族人雖或

至賤吉凶必須相告弔賵承含贈皆當有正禮庶子掌其正焉承丈在賻含之間則贈含之類故以承為贈云正

欽定四庫全書

卷十四

上

者庶子之官治之使賜賻隨其親疎各有正禮文王世子

敬弔臨賻賻睦友之

道也

臨如字又力鳩反使闕失者是君親睦和友之道也

疏曰言君敬重弔臨賻賻不同上上二

條含襚賻通用

公族之罪刑于隱者弗弔弗為服哭于異姓

之廟為忝祖遠之也

疏曰隱隱僻之處謂甸師也為其犯罪忝辱先祖於公法合疏遠之

也同上

知生者弔知死者傷知生而不知死弔而不傷

知死而不知生傷而不弔

人恩各施於所知也弔傷皆謂致命辭也雜記曰諸侯使

人弔辭曰寡君聞君之喪寡君使某如何不淑此施於生者傷辭未聞也說者有弔辭云皇天降災子遭罹之如何不淑此施於死者蓋本傷辭辭畢退皆哭疏曰此論弔傷之法若存之與亡並識則遣設弔辭傷辭兼

行若但識生而不識亡則唯遣設弔辭而無傷辭若但
識亡唯施傷辭而無弔辭也云辭畢退皆哭者然弔辭
乃使口致命若傷辭當書之於板使者讀之而奠致殯
前也案雜記行弔之後致含祔贈車乃臨若不致含祔
贈則弔訖乃臨也故云弔於人是日不樂君子哀樂不同日子
弔傷辭畢皆哭曲禮

於是日哭則不歌

行弔之日不飲酒食肉焉

以全哀也

弔生

不及哀非禮也

詳見

凡非弔喪非見國君無不答拜

者

禮尚往來喪賓不答拜不自賓客也國君見士不答

其拜士賤

疏曰凡拜而不答拜者唯有弔喪士見

已君二條耳弔所以賓不答拜者已本來為助執喪事

非行賓主之禮故主人雖拜已已不答也故士喪禮有

賓則拜之賓不答拜是也君不答者

入臨不翔

哀傷之無容樂

禮曲 有殯聞遠兄弟之喪同國則往哭之喪無外事疏曰以

其已有喪殯不得獨他國 哭日不歌曲 哭則不歌詳見喪有喪條 尊

長於已踰等喪侯事不植弔踰等父兄黨也疏曰侯事謂侍朝夕哭時不植弔

謂不非時而獨弔少儀 齊者不樂不弔為哀樂則失正散其思也 檀弓 三

年之喪雖功衰不弔自諸侯達諸士如有服而將往哭

之則服其服而往功衰既練之服諸侯服漸死者之服而往哭謂所不臣也 練則弔

父在為母功衰可以弔人者以父在故輕於出也然則凡齊衰十一月皆可以出矣 既葬大功弔

哭而退不聽事焉聽猶待也事謂襲斂執紼之屬 期之喪未葬弔於鄉

人哭而退不聽事焉功衰弔待事不執事

謂為姑姊妹無主殯不在

已族

小功總執事不與於禮

禮饋奠也

疏曰重喪小

衰衰雖外輕而痛猶內重故不得弔人也功衰雖不弔人若自有五服之親喪則往哭之將往哭則不著已功云若漸死者服輕則不為之制服雖不為重變而為之制服往奔喪哭之則暫服所制之服往彼哭之事畢反服故服也上文自諸侯達諸士然諸侯絕期今云服其服而往當是敵體又所不臣者謂始封君不臣諸父昆弟也故鄭明之也大祥始除衰杖而練得弔人者以父在為母故輕於出言得出也既葬大功者謂身有大功之喪既葬之後往弔他喪弔哭既畢則退去不待主人襲紼之事期喪練弔則亦然也期之喪未葬謂姑姊妹無主為之服期喪未至於葬往弔於鄉人之喪不聽待

主人襲斂之事焉功衰弔者謂此姑姊妹等期喪至既葬受以大功衰謂之功衰至此之後若弔於鄉人其情稍輕於未葬之前得待主人襲斂之事但不親自執事小功緦服輕故未葬便可弔人亦為彼損相但不得助彼饋奠耳曾子問曰說衰與奠非禮也以損相可也是損相輕而饋奠重也 雜記 曾子問曰

三年之喪弔乎子曰三年之喪練不羣立不旅行君子

禮以飾情三年之喪而弔哭不亦虛乎

為彼哀則不專於親也為親哀

則是妄弔 疏曰云虛者弔與服並虛也 曾子問

有殯聞遠兄弟之喪雖緦

必往

親骨也

非兄弟雖鄰不往

疏無親也

所識其兄弟不同居

者皆弔

就其家弔之成恩舊也 疏曰此文連上有殯之下若其骨肉兄弟雖緦必往若其非兄弟骨

疏曰此文連上有殯之下若其非兄弟骨

肉疏外之人雖鄰不往今有既非兄弟又非疏外平生
所共知識往來同恩好今若身死者兄弟雖不同居亦
就往弔之成其死者之恩舊也其死者兄弟不同居尚
往弔之則死者子孫就弔可知舉疏以見親也已殯
得弔之者以其死者
與我有恩舊
檀弓
婦人不越疆而弔人
不通於外
檀弓

婦人非三年之喪不踰封而弔
雜記
五十無車者不

踰疆而弔人

氣力始衰
檀弓

死而不弔者三

謂輕身
忘孝也
畏人
或

時以非罪攻己已不能有以
說而死之者孔子畏於匡

壓

行止危
溺
不乘橋舡
疏曰匡人謂

孔子為陽虎欲殺之論語注云微服而去謂身著微服
潛行而去不敢與匡人鬪以媚悅之壓謂崩墜所壓殺
也溺謂不乘橋舡而入水死者何
肩云馮河潛泳不為弔也
檀弓
其國有君喪不敢

受弔

疏曰國有君喪而臣又有親喪則不敢受他國賓來弔以義斷恩哀痛主於君不私於親也 雜記

大夫之喪庶子不受弔

不以賤者為有爵者主 檀弓

右弔

臨哭附

周人有喪魯人有喪周人弔魯人不

弔周人曰固吾臣也使人可也魯人曰吾君也親之者也使大夫則不可也故周人弔魯人不弔以

其下成康為未久也

定公元年穀梁傳 今案禮記王制天子七日而殯七月

而葬疏曰其諸侯奔喪案異義公羊說天王喪赴者至諸侯哭雖有父母之喪越緋而行事葬畢乃還左氏說王喪赴者至諸侯既哭問故遂服斬衰使上卿弔上卿會葬經書叔孫得臣如京師葬襄

王以為得禮許慎案易下邳傳甘容說諸侯在千里內皆奔喪千里外不奔喪若同姓千里外猶奔喪親親也容說為近禮鄭駁之云天子於諸侯無服諸侯為天子斬衰三年尊卑有差案魯夫人成風薨王使榮叔歸含且賜召伯來會葬傳曰禮也襄王崩叔孫得臣如周葬襄王天子於魯既含且贈又會葬為得禮則是魯於天子一大夫會為不得禮可知又左傳云鄭游吉云靈王之喪我先君簡公在楚我先大夫印段實往敝邑之少卿也王吏不討恤所無也豈非諸侯奔天子喪及會葬之明文說左氏者云諸侯不得棄其所守奔喪自違其傳同姓雖千里外猶奔喪又與禮乖但說左氏者自違其傳

邾婁子來奔喪奔喪非禮也

禮天子崩

諸侯奔喪會葬諸侯薨有服者奔喪無服者會葬魯與邾婁無服故以非禮書定十有五年春秋

公羊傳

齊孝公卒有齊怨不廢喪紀禮也

弔贈之數不有

廢 僖二十七年左氏傳

文襄之霸也君薨大夫弔卿共葬

事夫人士弔大夫送葬

詳見會葬條

滕成公之喪使

子叔敬叔弔進書

子叔敬叔魯宣公弟叔弓也進書奉公弔書

子服惠

伯為介及郊為懿伯之忌不入

郊滕之近郊也懿伯惠伯之叔父忌

怨也敬叔有怨於懿伯難惠伯也春秋傳曰敬叔不入

惠伯曰政也不可以

叔父之私不將公事

政君命所為敬叔於昭穆以懿伯為叔父遂入惠伯

強之乃入疏曰此論不可以私廢公之事云敬叔有怨於懿伯難惠伯者謂敬叔殺懿伯被懿伯

家所怨惡惠伯殺已故難惠伯不敢入也然敬叔
惠伯同在君朝又奉使滕國相隨在路不相畏難
入滕始難者雖有怨讎但為防備今入滕國是
由主人其防備之事不復在已故難之 檀弓

季文子卒大夫入斂公在位

在阼階西鄉 襄公五年春秋左氏傳

隱公元年冬十有二月公子益師卒公不與小

斂故不書曰

禮卿佐之喪小斂大斂君皆親臨之 崇恩厚也始死情之所為禮之所崇

故以小斂為文 左氏傳

季孫之母死哀公弔焉曾子與子

貢弔焉閭人為君在弗內也曾子與子貢入於其
廄而脩容焉子貢先入閭人曰鄉者已告矣曾子

後入闈人辟之涉內雷卿大夫皆辟位公降一等

而揖之君子言之曰盡飾之道斯其行者遠矣

疏曰

案喪大記君臨大夫之喪將大斂鋪綫於君至君即位于序端卿大夫即位于堂庶楹西北而東上是辟位者蓋少西逡巡而東面不當北面之位然君在大夫得私為二子辟位者卿大夫等見公將降故先辟位或公始入升堂之後卿大夫猶庭中北面辟位者謂辟中庭之位少近東耳又弔有常服而得特為盡飾者謂更服新衣也 禮弓

公行子有子之喪右師

往弔入門有進而與右師言者有就右師之位而

與右師言者

集注云公行子齊大夫右師王驪也

孟子不與右師言

右師不悅曰諸君子皆與驩言孟子獨不與驩言

是簡驩也

簡畧也

孟子聞之曰禮朝廷不歷位而相

與言不踰階而相揖也我欲行禮子教以我為簡

不亦異乎

朝音潮有位次若周禮凡有爵者之喪禮則職

是時齊卿大夫以君命弔各

喪蒞其禁令序其事故云朝廷也歷更涉也位他人之位也右師未就位而進與之言則右師歷已之位矣右師已就位而就與之言則已歷右師之位矣孟子右師之位又不同階孟子不敢失此禮故不與右師言也孟子

顏回死魯定公弔焉使人訪於孔

子孔子對曰凡在封內皆臣子也禮君弔其臣升

自東階向尸而哭其恩賜之施不有竿也

竿蘇亂反竿

計也又竹器也家語

衛靈公適魯遭季桓子之喪衛君

請弔哀公辭不得命公為主客入弔康子立於門

右北面公揖讓升自東階西鄉客升自西階弔公

拜興哭康子拜稽顙於位有司弗辯也今之二孤

自季康子之過也

曾子問

哀公使人弔蕢尚遇諸

道辟於路畫宮而受弔焉

哀公魯君也畫宮畫地為宮象

曾子曰

蕢尚不如杞梁之妻之知禮也齊莊公襲莒于奪

杞梁死焉其妻迎其柩於路而哭之哀莊公使人弔之對曰君之臣免於罪則有先人之敝廬在君

無所辱命

無所辱命辭不受也春秋傳曰齊侯弔諸其室

檀弓

魯人有

同姓死而弗弔者人曰在禮當免不免當弔不弔

有司罰之如之何子之無弔也答曰吾以其疏遠

也子思聞之曰無恩之甚也昔者季孫問於夫子

曰

季孫季康子肥

百世之宗有絕道乎子曰繼之以姓義

無絕也故同姓為宗合族為屬雖國子之尊

國子諸侯

卿大夫之子

不廢其親所以崇愛也是以綴之以食序

列昭穆萬世婚姻不通忠篤之道然也

孔叢子雜訓

顏淵死子曰噫天喪予天喪予

喪去聲 集注曰 噫傷痛聲悼道無

傳若天喪已也

顏淵死子哭之慟從者曰子慟矣

從去聲

曰有慟乎

哀傷之至不自知也

非夫人之為慟而誰為

扶為

去聲

夫人謂顏淵言其死可惜哭之宜慟非他人之比也胡氏曰痛惜之至施當其可皆情性之

正也 論語

子張死曾子有母之喪齊衰而往哭之

或曰齊衰不以弔曾子曰我弔也與哉

於朋友哀痛甚而往

哭之非若凡弔 疏曰此
一節論哭朋友失禮之事

孔子兄子有孔蔑者

與宓子賤偕仕孔子往過孔蔑而問之曰自汝之
仕何得何忘對曰未有所得而所忘者三公事多
急不得弔死問疾是朋友之道闕也孔子不悅往
過子賤問如孔蔑對曰雖有公事而兼以弔死問
疾是朋友篤也孔子喟然謂子賤曰君子哉若人
魯無君子者則子賤焉取此

家語

載馳許穆夫人

作也衛懿公為狄所滅許穆夫人閔衛之亡傷許

之小力不能救思歸唁其兄又義不得故賦是詩

也

疏曰在禮諸侯夫人父母終唯得使大夫問於兄弟有義不得歸是以許人尤之故賦詩而見

已志也

初齊豹見宗魯於公孟

見賢遍反薦達也

為驂

詩

乘馬將作亂而謂之曰公孟之不善子所知也勿

與乘吾將殺之對曰吾由子事公孟子假吾名焉

故不吾遠也

遠三萬反以善名故公孟親近我

今聞難而逃

是僭子

僭子念反使子言不信也

子行事乎吾將死之以周

事子

周猶終竟也

而歸死於公孟其可也丙辰衛侯在

平壽齊氏用戈擊公孟宗魯以背蔽之斷肱以中

公孟之肩皆殺之琴張聞宗魯死將往弔之仲尼

曰齊豹之盜而孟縶之賊女何弔焉

言齊豹所以為盜孟縶所

以見賊皆由宗魯昭公二十年春秋左氏傳

文公十有五年齊人歸公

孫敖之喪為孟氏且國故也

為于偽反孟氏公孫敖家慶父為長庶

故或稱孟氏故卒則惠叔請之至今期年而猶未已為惠叔毀請且國之公族故聽其歸殯而書之

襄仲欲勿哭

怨敖取其妻

惠伯曰喪親之終也雖不能

始善終可也史佚有言曰兄弟致美

各盡其美義乃終救

乏賀善弔災祭敬喪哀情雖不同母絕其愛親之

道也襄仲說帥兄弟以哭之

左氏傳

鄭人殺良霄

伯有死於羊肆

羊肆市列

子產襪之枕之股而哭之

枕之

鳩反

斂而殯諸伯有之臣在市側者既而葬諸斗城

斗城鄭地名

子駟氏欲攻子產子皮怒之曰禮國之幹

也殺有禮禍莫大焉乃止

斂葬伯有為有禮三十年春秋左氏傳

襄

陽門之介夫死

陽門宋國門名介矢甲衛士

司城子罕入而

哭之哀

宋以武公諱司空為司城

晉人之覘宋者反報於晉侯

曰陽門之介夫死而子罕哭之哀而民說殆不可

伐也孔子聞之曰善哉覘國乎

善其知微

詩云凡民有

喪扶服救之

救猶助也

雖微晉而已天下其孰能當之

疏曰微非也言晉之強威猶不能當宋雖非晉之強天下更有強於晉者誰能當之言縱有強者不能當宋而已是助句語也

檀弓

小宰受其含禭幣玉之事

詳見喪大記

大宰以九式均節

財用三曰喪荒之式

詳喪通禮財用條

大宗伯以喪禮哀死

亡哀謂親者服馬疏者含禭疏曰案士喪禮親者不將命注云大功已上有同財之義無歸含法鄭云親

者服馬據大功親已上直有服無含法若小功以下有含并有服也若然此據大夫已下而說天子諸侯雖無服其含祔則有之故春秋王使榮叔歸含且賜士喪禮君使人祔明天子諸侯於臣子皆有含祔也春官

宰夫凡邦之弔事掌其戒令與其幣詔財用凡所共

者弔事弔諸侯諸臣幣所用贈也詔所致明詔也凡喪始死弔而含祔葬而贈贈其間加恩厚則有贈焉春秋譏武氏子來求贈疏曰弔謂王使人弔諸侯自弔諸臣須從王行者并有贈喪之具百官當共故宰夫總戒令之與其幣詔財用凡所共者也又曰檀弓云君臨臣喪巫祝桃茢執戈惡之也此弔諸臣之法春秋左氏王使榮叔歸含且贈是有弔法故云弔諸侯諸臣也云幣所用贈也者公羊傳口實曰含車馬曰贈衣服曰祔幣不入含祔贈中故知是贈也云凡喪始死弔而含祔葬而贈贈其間加恩厚則有贈焉者欲見贈非正禮其

賻乃是以死者恩厚乃加之故禮記云弔喪弗能賻不問其所費是恩厚之義也云春秋譏武氏子來求賻者隱公二年公羊文案公羊云武氏子來求賻何以書譏何譏爾喪事無求求賻非禮何休云禮本為有財者制有則送之無則致哀而已不當求求則皇皇傷孝子心蓋通於下何休云爾者嫌天子財多不當求少亦不可求故明皆不當求鄭引此者見王於諸侯諸臣有歸則爾諸侯諸臣亦不得求也顏路請子之車孔子不與亦是合求故抑之也

天官

太府凡邦國之貢以待弔用

此九貢之財所

給也給弔用給凶禮之五事疏曰大宗伯云凶禮哀邦國之事下云有喪禮荒禮弔禮禴禮恤禮五禮皆須以財貨哀之故云給凶禮之五事

職喪凡國有司以王命有事焉則

詔贊主人

有事謂含禭贈贈之屬詔贊者以告主人佐其受之鄭司農云凡國謂諸侯國有司謂王

有司也以王命有事職喪主詔贊主人凡公有司之所
玄謂凡國有司有司從王國以王命往

共職喪令之趣其事

令令其當共物有司或言公或言國言國者由其君所來居其官曰

公謂遣使奉命有贈之物各從其官出職喪當催督也
疏曰令令其當供物者謂諸官依法合供給喪家者

不待王命職喪依
令式共之春官

諸侯使人弔其次含禭贈臨皆同

日而畢事

言五者相
次同時

弔者即位于門西東面其介在

其東南北面西上西於門

賓立門外
不當門

主孤西面

立於阼
階下

相者受命曰孤某使某請事客曰寡君使某如何不淑

受命受主人命以出也不言擯者喪無接賓
也淑善也如何不善言君痛之甚使某弔
相者入告

出曰孤某須矣弔者入主人升堂西面弔者升自西階

東面致命曰寡君聞君之喪寡君使某如何不淑子拜

稽顙弔者降反位

出反門外位

含者執璧將命曰寡君使某

含相者入告出曰孤某須矣

含玉為璧制其分寸大小未聞

含者入升

堂致命子拜稽顙含者坐委于殯東南有韋席既葬蒲

席降出反位

言降出反位則是介也春秋有既葬歸含贈襚無識焉皆受之於殯宮

宰夫

朝服即喪屨升自西階西面坐取璧降自西階以東

朝服

告鄰國之禮也即就也以東藏於內也疏曰弔者既為上客又贈者是上介則此含者襚者當是副介末介

但含禭於死者為切故在先陳之

禭者曰寡君使其禭相者入告出曰

孤某須矣禭者執冕服左執領右執要入升堂致命曰

寡君使其禭子拜稽顙委衣于殯東

亦於席上所委壁之北順其上下

禭者降受爵弁服於門內雷將命子拜稽顙如初受皮

弁服於中庭自西階受朝服自堂受玄端將命子拜稽

顙皆如初禭者降出反位宰夫五人舉以東降自西階

其舉亦西面

亦西面者亦禭者委衣時疏曰上云委衣于殯東又云受爵弁受皮弁受玄端皆

云如初是皆在殯東西面而嚮殯今云舉者亦西面是亦如禭者西面也其服重者使執而入爵弁受於內雷

皮弁受於中庭朝服受於西階玄端受於堂既受處不同則陳於璧北亦重者在南凡諸侯相褻衣數無文據此其服有五又先路褻衣不以褻以外無文

上介贈執圭將命曰寡君使其

貺相者入告反命曰孤某須矣陳乘黃大路於中庭北

輶執圭將命客使自下由路西子拜稽顙坐委於殯東

南隅宰舉以東

輶輶也自率也下謂馬也馬在路之下觀禮曰路下四亞之客給使者也入設

乘黃於大路之西客入則致命矣使或為史

凡將命鄉殯將命子拜稽顙西

面而坐委之宰舉璧與圭宰夫舉褻升自西階西面坐

取之降自西階贈者出反位于門外

乃著言門外明禮畢將更有事疏

曰客使謂客之從者為客所使故曰客使隱元年公羊傳云贈者蓋以乘馬束帛車馬曰贈貨財曰賻衣被曰襚穀梁云乘馬曰贈衣衾曰襚貝玉曰含錢財曰賻又案釋廢疾云天子於諸侯舍之贈之諸侯於卿大夫如天子於諸侯諸侯於士如天子於諸侯臣襚之贈之天子於二王之後舍為先襚則次之贈為後諸侯相於如此雖記兩諸侯相敵明天子於二王後亦相敵也知諸侯亦然者約雜記文鄭知天子於諸侯舍贈者約文五年榮叔歸舍且贈三傳但譏燕禮不譏其數是也鄭知天子於諸侯臣襚之贈之者約士喪禮諸侯於士有襚有贈明天子於諸侯臣亦然鄭知諸侯於卿大夫如天子於諸侯者更無所尊明尊此卿大夫舍之贈之也凡此於其妻亦如其夫知者約宰嚭來歸惠公仲子之贈又約魯夫人成風之喪王使榮叔歸舍且贈以外推此可知

上客臨曰寡君有宗廟

之事不得承事使一介老其相執紼

上客弔者也臨視也言殺入視喪所

不足而給助之謙也其實為哭耳

相者反命曰孤某須矣臨者入門右

介者皆從之立于其左東上

入門右不自同於賓客

宗人納賓升

受命于君降曰孤敢辭吾子之辱請吾子之復位客對

曰寡君命某母敢視賓客敢辭宗人反命曰孤敢固辭

吾子之辱請吾子之復位客對曰寡君命某母敢視賓

客敢固辭宗人反命曰孤敢固辭吾子之辱請吾子之

復位客對曰寡君命使臣某母敢視賓客是以敢固辭

固辭不獲命敢不敬從

賓三辭而稱使臣為恭也為恭者將從其命

客立于

門西介立于其左東上孤降自阼階拜之升哭與客拾

踊三

拜客謝厚意

客出送于門外拜稽顙

疏曰謙言使一介老臣某助主人執

其葬綽其實為哭而來上云孤某須矣是不出迎以主人悲戚無服接賓去拜送者謝其勞辱來也 雜記

族之相為也賵賻承含皆有正焉 弔臨賵賻睦友之

道也

上二條詳見弔條

貨財曰賵與馬曰賵衣服曰襚玩好

曰贈玉貝曰含賵賵所以佐生也贈襚所以送死也送死不及柩尸弔生不及悲哀非禮也故賵賵及事禮之

大也

荀子詳見喪禮義

諸侯相祔以後路與冕服先路與襃

衣不以祔

不以已之正者施於人以此彼不以為正服所用也後路貳車貳車行在後也雜記

臣致祔於君則曰致廢衣於賈人

賈音價言廢衣不必其以斂也賈人知

物善惡也敵者曰祔

衣送敵者死無謚發曰祔也少儀

君無祔大夫士畢

主人之祭服親戚之衣受之不以即陳

詳見喪大記

君使

人祔徹帷主人如初祔者左執領右執要入升致命

詳見

士喪禮始死君使人祔

親者祔不將命以即陳

詳見始死親友祔

庶

兄弟祔使人以將命于室主人拜于位委衣于尸東牀

上

同上

朋友祔親以進

同上

親者兄弟不以祔進

疏曰進謂

執之將命也若非親者相祔則擯者傳辭將進以為禮節若有親者相祔但直將進陳之不須執以將命也案士喪禮大功以上同財之親祔不將命即陳於房中小功以下及同姓等皆將命少儀有祔者

則將命擯者出請入告主人待于位

詳見士喪禮小斂奠後有祔者條

朋友親祔如初儀

同上

祔者以褶則必有裳執衣如

初升降自西階以東

同上

賵馬入廟門

以其主於死者

賵馬與

其幣大白兵車不入廟門

以其主於生人也兵車革路也雖為死者來陳之於外戰

伐田獵之服非盛者也周禮革路建大白以即戎疏曰禮既祖訖而後賵馬入設於廟庭而入門者欲以供

駕魂車也故云主於死者以馬助生人營喪曰賻馬幣謂以財貨賻助主人喪用並是助主人之物故不將入廟故云以其主於生人也大白革路之旗兵車即革路也雖並為送喪之從車而其本是田戰之具故不可入廟門故云戰伐田獵之服非盛者也此謂諸賻者既致侯有喪鄰國之君有以大白兵車而賻之者

命坐委之擯者舉之主人無親受也

喪者非尸柩之事不親也舉之舉以

東

柩音舊

疏曰

坐猶跪也

謂賻者跪

委物於地主

人擯者舉而取之主人無親受也者吉時若人饋物主人皆自拜受之若有喪主於哀戚凡有四方使者以物賻已悉不得拜受故使擯者受舉之而已

少儀

若賻入告主人出門左西面賓東面將命主人拜賓坐

委之

詳見士喪禮親賓賻奠賻贈

知生者賻

同上

弔喪弗能賻不

問其所費

曲禮

公贈玄纁束馬兩

公國君也贈所以助主人送葬也兩馬士

制擯者出請入告主人釋杖迎于廟門外不哭

詳見士喪禮公

贈

賓贈者將命

賓卿大夫士也

擯者出請入告出告須馬入

設賓奉幣

詳見士喪禮親賓贈奠賻贈

兄弟贈奠可也所知則贈

而不奠

同上

書贈於方若九若七若五

同上

薦馬馬出

自道行器茵苞器序從主人之史請讀贈

詳見士喪禮重出車馬奠

器從讀贈

若奠入告出以賓入將命如初士受羊如受馬

詳見士喪禮賓親贈奠賻贈

贈者將命擯者出請納賓如初賓奠

幣如初若就器則重奠于陳凡將禮必請而後拜送

同上

主人袒乃行至于邦門公使宰夫贈玄纁束主人去

杖不哭由左聽命賓由右致命

見士喪禮公使人贈

知死者贈

見士喪禮親賓贈贈奠贈

凡贈幣無常

同上

贈死不及尸非禮也

詳見

條贈

右贈喪

含祔贈賜奠贈

文公四年冬十有一月壬寅夫

人風氏薨五年春王正月王使榮叔歸含且贈含

者何口實也

孝子所以實親口也緣生以事死不忍虛其口天子以珠諸侯以玉大夫

以碧士以貝春秋之制也丈家加飯以稻米

其言歸含且贈何兼之兼

之非禮也

公羊傳

含一事也贈一事也兼歸之非

正也

禮含贈葬各異人

其曰且志兼也其不言來不周事

之用也贈以早而含以晚

已饋故言晚聞有遠近皆令及事理不通也雖

記曰含者執璧將命曰寡君使某含相者入告出曰孤某須矣含者入升堂致命子拜稽顙含者坐委於殯東南明君之於臣有含贈之義所以助喪盡恩含不必用示有其禮 穀梁傳

諸

侯伐秦曹桓公卒于會

魯成十三年曹伯廬卒于師廬諡宣言桓公之誤也

諸侯請含

以朋友有相啖食之道

使之襲

非也襲賤者之事

襄公朝

于荊康王卒

在襄二十八年楚言荊者州言之

荊人曰必請襲

使

襄公衣之

魯人曰非禮也荊人強之巫先拂柩荊人悔

之

巫祝桃荊君臨臣喪之禮棧弓

邾婁考公之喪徐君使容

居來弔含

弔且含

曰寡君使容居坐含進侯玉其使

容居以含

欲親含非也會不使賤者君行則親含大夫歸含耳言侯玉者時徐潛稱王自

比天

有司曰諸侯之來辱敝邑者易則易于則于

易于雜者未之有也

容居以臣欲行君禮徐君自比天子使大夫敵諸侯有司

拒之

疏曰注云君行則親含者上云曹桓公卒于會諸侯請含是也大夫歸含者雜記諸侯之喪

君使人弔含贈襚是也若是臣來其禮簡易者則
行臣之簡易之禮于謂廣大若君來其禮廣大者
則行君之廣大之禮易于雜者謂應簡易而為廣
大實是臣而行君禮是君臣雜亂者未之有也又
云于音近迂迂是廣大之花論
語云子之迂也與此同 同上

王有姻喪晉使

趙成如周弔且致襚

昭公九年春
秋左氏傳

秦人來歸僖

公成風之襚禮也

秦慕諸夏欲通敬於魯固有翟
衆之盟故追贈僖公并及成風

本非魯方欲同盟無有相赴弔之
制故不識其緩而以接好為禮

諸侯相弔賀也

雖不當事苟有禮焉書也以無忘舊好

送死不及
尸故曰不

當事 文公九
年春秋 左氏傳

衛有太史曰柳莊寢疾獻公曰

若疾革雖當祭必告公再拜稽首請於尸曰有臣

柳莊也者非寡人之臣社稷之臣也聞之死請往

不釋服而往遂以禭之

脫君祭服以禭臣乃親賢也

齊侯

伐晉夷儀敝無存先登求自門出死於雷下

既入城夷

儀人不服故闢死於門屋雷下也

齊師之在夷儀也齊侯曰得敝

無存者以五家免

給其五家令常不共役事

乃得其尸公三禭

之

禭衣也比殯三加禭深禮厚之

與之犀軒與直蓋

犀軒卿車蓋蓋高蓋

而

先歸之坐引者以師哭之

停喪事以盡哀也君方為位而哭故挽喪者不

敢親推之三

齊侯自推喪車輪三轉定公九年春秋左氏傳

隱公三

年秋武氏子來求賻喪事無求求賻非禮也蓋通

于下

嫌天子財多不當求下財少可求故明皆不當求之春秋左氏傳

歸死者

曰賵歸生者曰賻曰歸之者正也求之者非正也

周雖不求魯不可以不歸魯雖不歸周不可以求

之求之為言得不得未可知之辭也交譏之

穀梁傳

伯高之喪孔氏之使者未至

謂賻賜者

冉子攝束帛

乘馬而將之孔子曰異哉徒使我不誠於伯高

徒猶

空也禮所以副忠信也忠信而無禮何傳乎疏
曰既無忠信禮何傳乎言不可傳行也檀弓

孔子之衛遇舊館人之喪

前日君所使舍已

入而哭之

哀出使子貢說驂而賻之子貢曰於門人之喪未
有所說驂說驂於舊館無乃已重乎夫子曰子鄉
者入而哭之過於一哀而出涕子惡夫涕之無從

也小子行之

客行無他物可以易之者使遂以往疏曰論語言顏回之喪子哭之慟

慟比出涕慟則為甚矣又舊館之恩不得比顏回
之極而說驂於舊館惜車於顏回者但舊館情疏
厚恩待我我須有贈賻故說驂賻之顏回則師徒
之恩親乃是常事則顏回之死必當以物與之顏

路更請賣車為樽以其不知止足故夫子抑之同上

隱公元年秋七月

天王使宰咺來歸惠公仲子之贈

咺吁既反贈芳鳳反宰官咺

名仲子者桓公之母婦人無諡故以字配姓疏曰贈者助喪之物文五年注云車馬曰贈士喪既夕禮云公贈玄纁束帛兩馬士之制只得駕兩馬大夫以上皆駕四馬此宰咺來歸贈蓋用四馬也

贈死不及尸

尸未葬之通稱

弔生不及哀

諸侯已上既葬則緇麻除無哭

位諒闇終喪

非禮也

左氏傳今案杜氏諸侯已上既葬則哀麻除疏詳見喪大記作主

條

仲子者桓之母也喪事有贈贈者蓋以馬以

乘馬束帛

疏曰上云以馬與士既夕禮同下言乘馬與士異

車馬曰贈貨

財曰賻衣被曰襚

公羊傳

賵者何也乘馬曰賵衣衾

曰襚貝玉曰含錢財曰賻

乘繩證反疏曰士喪禮賵用兩馬此用乘馬

者禮大夫以上皆乘四馬故賵用乘而馬數雖同其馬大小則異故何休云天子馬曰龍高七尺以上諸侯曰馬高六尺以上卿大夫士曰駒高五尺以上是也士喪禮公賵玄纁束公羊傳亦云以乘馬束帛何休云束帛謂玄三纁二何休云賵者覆也當覆被亡者之身休又云賻猶助也皆助生送死之禮襚猶遺也遺是助死之禮知生者賵賻知死者含襚爾含者實口之名雜記云將命者執璧委於殯東是諸侯用璧士喪禮含用米貝是士用米貝故傳舉貝玉總之也穀梁傳

宋

景曹卒

景曹宋元公夫人小邾女季桓子外祖母

季康子使冉有弔且

送葬曰以肥之得備彌甥也

彌遠也康子父之舅氏故稱彌甥

有

不腆先人之產馬使求薦夫人之宰其可以稱旌

繁乎

繁步干反求冉有名稱舉也繁馬飾繁纓也哀公二十三年春秋左氏傳

天子諸侯之喪斬衰者奠大夫齊衰者奠士則朋友奠

不足則取於大功以下者不足則反之

詳見士喪禮陳大斂奠章案

士喪禮朝夕奠皆有賓位拜賓入奠卒奠拜賓蓋喪奠主人不親皆賓助奠

曾子問曰廢

喪服可以與於饋奠之事乎孔子曰說衰與奠非禮也

以擯相可也

詳見變禮

天子諸侯之喪祭也不斬衰者不

與祭大夫齊衰者與祭士祭不足則取於兄弟大功以

下者

詳見喪大記虞祭章

卒哭獻畢尸出門入徹主人不與

詳見

卒哭祔練祥禫記

賓執事者如弔服皆即位于門外如朝夕

臨位

詳見士虞禮

朋友虞附而退

詳見會葬條

曾子問曰相

識有喪服可以與於祭乎孔子曰總不祭又何助於人

詳見變禮

宰夫三公六卿之喪與職喪帥官有司而治之

凡諸大夫之喪使其旅帥有司而治之

詳見喪大記戒臣民條

職喪掌諸侯之喪及卿大夫士凡有爵者之喪以國之

喪禮泣其禁令序其事

詳見喪大記總目

適有喪者曰比

適

也曰某願比於將命者比猶比方俱給事

童子曰聽事

疏曰童子未成人雖往適他喪不敢與成

人為比方但來聽主人以事見使故云願聽事於將命者也

適公卿之喪則曰聽役

於司徒

疏曰司徒主國之事公卿之喪則司徒皆率其屬掌之檀弓云孟獻子之喪司徒旅歸四布是

也隱義云公卿亦有司徒官以掌喪事也

童子無總服聽事不麻無

事則立主人之北南面

疏曰童子雖不總猶著免深衣無經以往給事總喪使役也主

人喪主也此童子來聽使若有事則使之若無事時在旁謂在主人之北南面

玉藻士之喪

胥為侍士是斂

詳見喪大記

助葬必執紼

曲禮

右執事

助奠助祭治事

孔子之故人曰原壤其母死夫

子助之沐椁

檀弓

孔子之喪公西赤為志焉子張

之喪公明儀為志焉

同上

送喪不由徑送葬不辟塗潦

辟音避檀弓

會葬之禮於鄙

上

從竟至墓主為送葬來竟音境為去聲文五年春秋穀梁傳

相趨也出宮而

退相揖也哀次而退相問也既封而退相見也反哭而

退朋友虞附而退

此弔者恩厚薄去遲速之節也附當為附疏曰相趨謂孝子本不相識

但相聞姓名而來會趨喪也思既輕故柩出廟之宮門而退去相揖謂經會他處已相揖者也思微深故待柩

出至大門外之哀次而退去也相問謂曾相餉遺恩轉
深故至寔竟而退也相見謂身經自執摯相詣往來恩
轉厚故至葬竟孝子反哭還至家時而退也朋友疇昔
情重生死同殷故至主人虞附而退也知生者弔今注
云弔則知是弔
生人也
雜記
天子七月而葬同軌畢至
言同軌以別四夷之

國諸侯五月同盟至

同在此方

大夫三月同位至

古者行役不踰

時士踰月外姻至

姻猶親也釋例曰萬國之數至衆封疆之守至重故天子之喪諸侯不得

越境而奔脩服於其國卿共弔葬之禮其諸侯相弔則
昭三十年傳云先王之制諸侯之喪士弔大夫送葬是
正禮也同位至待其使還也外姻至親戚畢集也於天
子言畢至以下不言畢者天子海內為家天下聞喪無
敢不至故言畢也諸侯同盟或來或否大夫出使本奉
君命雖或聞喪未必盡來故不言畢也何休膏肓以為

禮士三月葬今云踰月左氏為短 隱元年左氏春秋傳

君若載而後弔之則主

人東面而拜門右北面而踊待反而後奠

詳見士喪禮

君

於大夫將葬弔於宮及出命引之三步則止如是者三

君退朝亦如之哀次亦如之

以義奪孝子宮殯宮出謂

之凡移九步君弔不必於宮朝喪朝廟也次他日賓客所受大門外舍也孝子至此而哀君或於是弔焉疏曰君弔禮既畢及其柩出殯宮之門孝子號慕攀轅柩車不動君奪孝子之情命遣引之三步則止所以止者引者不忍頓奪孝子之情故且止柩君又命引之引之者三步而止君又命引之如是者三柩車遂行君便退

去檀弓

適兄弟之送葬者弗及遇主人於道則遂之於

墓

詳見變禮
奔喪條

望柩不歌

曲禮

弔於葬者必執引若從

柩及壙皆執紼

引音肩壙苦晃反又音曠示助之以
力車曰引棺曰紼從柩羸者疏曰引

柩車索也弔葬本為助執事故必相助引柩車也若從

柩及壙皆執紼者及至也紼引棺索也凡執引用人貴

賤有數若其數足則餘人不得遙行皆散而從柩也至

壙下棺窆時則不限人數皆悉執紼示助力也注云車

曰引者引者長遠之名故在車車行遠也紼是撥舉之

義故在棺棺唯撥舉不長遠也云從柩羸者羸餘也從柩

者是執引所餘羸長者何東山云天子千人諸侯

五百人大夫三百人

禮

士五十人羸數外也

禮

檀弓

臨喪則必有哀色

禮

執紼不笑

曲禮

檀弓

喪不笑

禮

弔非從主人也四十者必執紼鄉人五十

者從反哭四十者待盈坎

言弔者必助主人之事從猶隨也成人二十以上至四十

丁壯時故執紼待盈坎也非鄉人則長少皆反優遠也

雜記

乃反哭賓弔自西階曰如之

何

詳見士喪禮

右會葬 文公元年二月叔孫得臣如京師辛丑

葬襄王王者不書葬此何以書不及時書過時書

我有往者則書

謂使大夫往也惡文公不自往故書葬

春秋公羊傳

天

子志崩不志葬舉天下而葬一人其道不疑也志

葬危不得葬也

不得備禮葬穀梁傳

文四年冬夫人風

氏薨五年王使榮叔歸含且賵葬我小君成風王

使召伯來會葬禮也

成風莊公之妾天子以夫人禮贈之明母以子貴故曰禮

氏傳

襄公三十有一年滕子來會葬葬晉頃

公鄭游吉弔且送葬魏獻子使士景伯詰之曰悼

公之喪子西弔子矯送葬今吾子無貳何故對曰

先王之制諸侯之喪士弔大夫送葬唯嘉好聘饗

之事於是乎使卿今大夫曰女盍從舊舊有豐有

省不知所從從其豐則寡君幼弱是以不共從其

省則吉在此矣唯大夫圖之晉人不能詰

昭公三十一年左

氏傳

文襄之霸也其務不煩諸侯君薨大夫弔鄉

共葬事夫人士弔大夫送葬

先王之制諸侯之喪士弔大夫送葬蓋時

俗過制故文襄雖節之猶過於古昭公三年左氏傳

齊姜薨齊侯使諸

姜宗婦來送葬

宗婦同姓大夫之婦婦人越疆送葬非禮襄二年年左氏傳

葬楚康王公及陳侯鄭伯許男送葬至于西門之

外諸侯之大夫皆至于墓

襄公二十九年左氏傳

鄭簡公

卒將為葬除司墓之室有當道者毀之則朝而塋

弗毀則日中而塋子太叔請毀之曰無若諸侯之
賓何子產曰諸侯之賓能來會吾喪豈憚日中無
損於賓而民不害何故不為遂弗毀日中而葬

詳見

喪大記
柩行條

谷風曰凡民有喪匍匐救之

匍音蒲又音符匍匐五反一音服 箋云匍匐言盡力也

凡民於有凶禍之事鄰里尚盡力往救之況我於君
子家之事難易乎固當匍匐以踈踰親也 邶國風

鄰有喪舂不相里有殯不巷歌

舂東容反相息亮反
助哀也相謂送杵聲

適墓不登壟

壟力勇反塚也
冢也墓壘域

為其不敬壘
塋音營 曲禮

適墓不

歌

非樂所也
同上

右哀有喪 子食於有喪者之側未嘗飽也

集注曰臨

喪哀不能甘也

子於是日哭則不歌

哭謂弔哭一日之內餘哀未忘自不

能歌也謝氏曰學者於此二者可見聖人情性之正也能識聖人之情性然後可以學道論語

子見齊衰者雖狎必變

孔曰狎者素親狎

凶服者式之

孔曰凶服送死之衣服同上

子見齊衰者冕衣裳者與瞽者

見之雖少必作過之必趨

集注曰齊衰喪服冕冠也衣上服裳下服冕而

衣裳貴者之盛服也瞽無目者作起也趨疾行也或曰少當作坐 范氏曰聖人之心哀有喪尊有

爵矜不成人其作與超蓋
有不期然而然者同上

襄公十有九年晉士

臼帥師侵齊至穀聞齊侯卒乃還還者何善辭也

何善爾大其不伐喪也此受命乎君而伐齊則何

太子其不伐喪大夫以君命出進退在大夫也

羊公



儀禮經傳通解續卷十四